

四庫全書

史部

欽定四庫全書

史部


欽定大清一統志卷九十

六至
九

中書_臣張經田覆勘

總校官檢討_臣何思鈞

杏原府圖



太原府志

[illegible]

汾陽縣	太原府
<small>前漢屬太原郡後漢屬太原郡</small> 狼毒縣	<small>郡治後漢州郡治</small> 晉陽縣
狼毒縣	晉陽縣
狼毒縣	晉陽縣
省	省
龍縣	晉陽縣
<small>仍仍屬太原郡</small> 晉陽縣	<small>開皇十六年復分汾陽置太業初有</small> 太原縣
<small>貞觀初省六年又置蒲州八年徐買陽曲十七年省</small> 晉陽縣	<small>齊河清四年開皇十年二縣皆為周時為北</small> 太原縣
<small>治後漢為府治</small> 平晉縣	<small>建隆四年貞祐四年屬晉陽縣</small> 太原縣
平晉縣	太原縣
平晉縣	太原縣
太原縣	太原縣
太原縣	太原縣

榆次縣	太谷縣	祁縣
榆次縣 屬太原府	陽邑縣 屬太原府	祁縣
榆次縣	陽邑縣	祁縣
榆次縣	陽邑縣	祁縣
榆次縣 太平縣 九年省入 晉陽府 初復置	陽邑縣 太平縣 九年省入 晉陽府 初復置	祁縣 雲州 直隸
中都縣	陽邑縣 周建德四年移治	祁縣 齊縣
榆次縣 開皇十四年改名 太原府	太谷縣 開皇十四年改名 太原府	祁縣 開皇十四年移治 太原府
榆次縣 太原府	太谷縣 武德四年移治 太原府	祁縣 初屬太原府 後屬太原府
榆次縣	太谷縣	祁縣
榆次縣 太平縣 四年省入 晉陽府 初復置	太谷縣	祁縣
榆次縣	太谷縣	祁縣 屬太原府
榆次縣 屬太原府	太谷縣 屬太原府	祁縣 屬太原府
榆次縣 屬太原府	太谷縣 屬太原府	祁縣 屬太原府

徐溝縣

榆次縣

交城縣

晉陽縣

文水縣

受陽縣
太平貞君
九年改置

受陽縣

文水縣
開皇十六年
改名為文

文水縣
天授改曰
武興年

文水縣

文水縣
元貞開拓
自治

文水縣

文水縣
高麗改置

文水縣
屬太原府

交城縣
開皇十六年
置屬太原府
先大二年
分置
川縣開元
三年省

交城縣
天授二年
移治祁波
村屬太原
府先大二年
分置
川縣開元
三年省

交城縣

交城縣
太平開闢
四年置大
通置開元
二年改為
沁州嘉祐
四年復為
太原

交城縣
廢監

交城縣
屬太原府

交城縣
屬太原府

開皇十六年
置清源縣
武德元年
省會陽
後置屬太原府

清源縣
武德元年
後置屬太原府

清源縣

清源縣

清源縣

清源縣

清源縣

徐溝縣

徐溝縣
天定二十
九年置屬
太原府

徐溝縣
屬太原府

徐溝縣
屬太原府

虞

太原郡治
陽縣地漢

奇虞州

太原郡治
陽縣地漢
木為新與
郡地

平陶縣
屬奇虞郡

大陵縣
屬奇虞郡

平陶縣

大陵縣

平陶縣

大陵縣

從廢

仍屬太原
府

奇虞郡地
後置奇虞
郡又置軍

奇虞郡地
屬奇虞郡

奇虞郡地
屬奇虞郡

奇虞郡

奇虞郡

原郡

龍初復設

奇虞州

奇虞

奇虞郡

北漢置奇
虞郡後廢
及唐為七
元城

奇虞縣

長安五年
置奇虞縣
神龍二年
廢開元十
二年復置

奇虞軍

太平興國
五年置為
河東路

奇虞縣

軍治奇虞
三年廢元
置

奇虞州

大定二十
二年升為
北路

奇虞縣

奇虞縣

廢為縣太
祖十五年
廢入晉州

奇虞州

洪武七年
復置奇虞
縣屬太原
府九年升
為州

廢

奇虞州

奇虞縣

縣

東陽縣
即地

興縣

汾陽縣

奇義縣

開皇中省
入靜樂大
業八年復
置度城縣
屬松州郡

蔚州縣

武都郡

臨泉縣

大業四年
改名爲樓
煩郡後又
分置文和

郡

武德年
置東會州
六年改置
州太蜀初
置樓煩郡
龍元初復
置州屬
河東道

宜芳縣

武德四年
改名爲州
治又分置
合會豐南
二縣屬之
五年省豐
南九年省
合會

合河縣

武德七年
改曰崑崙
屬冀州九
年省太和

郡

宜芳縣

合河縣

郡

屬河東道

宜芳縣

合河縣

元豐中徙
治於汾水
北

郡

屬河東道
路

宜芳縣

合河縣

元豐中徙
治於汾水
北

郡

至元二年
省會州
五年復置
屬冀州

至元二年
省

興州

屬冀州

郡

武武二年
降爲縣屬
太原府九
年屬奇嵐
州


興縣

武武二年
降爲縣屬
太原府九
年屬奇嵐
州

原縣屬太
原府九年
屬奇嵐州

縣

縣之員
觀元年
改名三年
復置太右
縣八年省



欽定四庫全書

欽定大清一統志卷九十六

太原府

山西省治東西距五百七十里南北距五百八十里東至平定州壽陽縣界一百七十里

西至汾州府永寧州界四百里南至沁州沁源縣界四百里北至忻州界一百十里東南至遼

州榆社縣界二百四十里西南至汾州府平遙縣界二百五十里東北至忻州定襄縣界一百八十

里西北至保德州界五百里自府治至京師一千二百里

分野天文昴畢分野大梁之次

建置沿革禹貢冀州之域周并州之域初為唐國後

更曰晉國戰國屬趙秦莊襄王四年置太原郡

東境

為上黨郡地北境為雁門郡地

漢高帝六年為韓國十一年為代

國文帝二年為太原國元鼎三年國除為太原郡

屬并州後漢因之為并州治

東境置樂平郡兼為常山郡地北境為雁

門郡增置新興郡

晉為太原國永嘉末陷

永嘉六年為劉淵所據建興四

年屬石漢後屬苻秦太元十一年屬西燕十九年屬後燕皆為太原郡

後魏仍曰并

州太原郡

東境仍為樂平郡北境仍為雁門郡增置肆州改新興為永安郡

北齊

置省建別宮周置并州六府後廢六府置總管隋

開皇初廢郡置河北道行臺九年復改為總管府

大業初府廢復曰太原郡

東境為樂平郡北境為雁門郡改永安置樓煩

郡唐武德元年復曰并州置總管府七年改大都

督府天授元年置北都神龍元年罷都開元十一

年復置北都改并州為太原府

李吉甫元和郡縣志開元二十一年

分天下為十五道置採訪使太原為河東道按顧炎武日知錄河東山西一地也唐之京師在關

中而其東則河故謂之河東元之京師在薊門而其西則山故謂之山西各自其畿甸之所近而言

之天寶元年加號北京上元二年罷京寶應元年

復曰北都為河東節度使治五代梁曰并州河東
軍後周同光元年建西京三年又改北京周時為
此漢都宋太平興國四年降為并州嘉祐四年復
曰太原府太原郡河東節度大觀元年升大都督
府為河東路治金曰太原府武勇軍分為河東北
路治元太祖十一年置太原路總管大德九年
改曰冀寧路屬河東山西道明復曰太原府為山
西布政使司治

本朝為山西省治領州一縣十

陽曲縣

附郭東西距一百五十里南北距一百二十里東至平定州壽陽縣界六十里西至

交城縣界九十里南至太原縣界十里北至忻州界一百十里東南至榆次縣界二十里西南至交城縣界八十里東北至平定州孟縣界一百七十里西北至忻州靜樂縣界一百二十里漢晉陽汾陽狼孟三縣地後漢水始移置陽曲縣屬太原郡晉因之後魏改屬永安郡隋開皇六年改曰陽直十六年又改曰汾陽屬并州大業三年屬太原郡唐武德七年復名陽曲屬并州開元十一年屬太原府五代因之宋太平興國中移并州來治太原後遂為太原府治金元明不改本朝因之

縣

在府西南四十里東西距六十五里南北距六十五里東至榆次縣界二十五里西至陽曲縣

界四十里南至徐溝縣界三十里北至陽曲縣界
三十六里東南至徐溝縣界三十里西南至交城
縣界三十里東北至陽曲縣界四十里西北至忻
州靜樂縣界一百四十里古唐國地春秋為晉陽
邑秦置晉陽縣為太原郡治漢因之後漢兼為并
州治晉及後魏因之北齊武平六年分置龍山縣
隋開皇十年改龍山曰晉陽改舊晉陽曰太原皆
為并州治唐仍二縣為太原府治五代為北漢都
宋太平興國四年平北漢廢二縣改置平晉縣熙
寧三年省入陽曲政和五年復置金貞祐四年又
省興定元年復置元屬冀寧路明洪武八
年復曰太原縣屬太原府 本朝因之 榆次縣

在府東南六十里東西距五十五里南北距一百
十里東至平定州壽陽縣界三十里西至太原縣
界二十五里南至太谷縣界三十里北至陽曲縣
界八十里東南至遼州榆社縣界九十六里西南

至徐溝縣界二十五里東北至壽陽縣界四十五里西北至陽曲縣界四十里春秋晉魏榆邑戰國屬趙曰榆次漢置榆次縣屬太原郡後漢魏晉因之後魏太平真君九年省入晉陽景明初復置此齊改置中都縣隋開皇中復曰榆次屬并州唐屬太原府五代因之宋太平興國四年為太原府治七年仍為屬縣元屬冀寧路

太谷縣

在府東南一百二十里東

明屬太原府

本朝因之

西距一百三十里南北距五十五里東至遼州和順縣界一百十五里西至祁縣界十五里南至祁縣界三十里北至徐溝縣界二十五里東南至遼州榆社縣界七十里西南至祁縣界四十里東北至榆次縣界三十里西北至徐溝縣治三十里春秋時晉大夫陽處父邑漢置陽邑縣屬太原郡後漢魏晉因之後魏太平真君九年省景明三年復置隋開皇十八年改曰太谷屬并州唐武德三年

置太州六年州罷屬并州開元十一年屬太原府五代宋金因之元屬冀寧路明屬太原府本朝

因祁縣在府南少西一百四十里東西距五十五里南北距四十五里東至太谷縣界三十

里西至文水縣界二十五里南至汾州府平遙縣界十五里北至徐溝縣界三十里東南至沁州武

鄉縣界一百二十里西南至平遙縣界十五里春秋晉祁邑漢置祁縣屬太原

郡後漢魏晉及後魏因之北齊省隋開皇中復置屬并州唐初屬太州尋仍屬

并州開元十一年屬太原府五代及宋因之金屬晉州元屬冀寧路明屬太原府本朝因

之徐溝縣在府南八十里東西距七十一里南北距三十一里東至榆次縣界十三里西

至交城縣界五十八里南至太谷縣界十八里北至太原縣界十三里東南至太谷縣界二十里西

南至文水縣界六十七里東北至榆次縣界二十里西北至太原縣界二十里漢榆次縣地隋開皇十六年置清源縣屬并州大業初省入晉陽唐武德元年復置仍屬并州開元十一年屬太原府五代及宋因之金太定二十九年始析置徐溝縣屬太原府元屬冀寧路明屬太原府本朝因之乾隆二十八年以交城縣在府西南一百二十里東清源縣省入西距一百八十里南北距一百六十五里東至徐溝縣界二十里西至汾州府永寧州界一百六十里南至文水縣界十五里北至忻州靜樂縣界一百五十里東南至文水縣界十五里西南至文水縣界二十里東北至陽曲縣界一百里西北至汾州府臨縣界二百二十里漢晉陽縣西境隋開皇十六年置交城縣屬并州唐屬太原府五代因之宋太平興國四年於縣設大通監仍屬太原府金廢監元屬冀寧路明屬太

原府 本

文水縣

在府西南一百六十里東距

朝因之 一百二十五里南北距七十五里東至祁縣界四十五里西至汾州府永寧州界八十里南至汾州府平遙縣界五十里北至交城縣界二十五里東南至平遙縣界五十里西南至汾州府汾陽縣界三十里東北至徐溝縣界五十里西北至交城縣界二十里戰國趙大陵地漢置大陵縣屬太原郡後漢魏晉因之後魏太平真君九年改置受陽縣仍屬太原郡隋開皇十年改曰文水屬并州唐武德三年改屬汾州六年還屬并州七年又屬汾州貞觀初復故天授元年改曰武興神龍初復曰文水五代因之宋金屬太原府元屬冀寧路明屬太

奇嵐州

在府西北三百二十里東西距一百二十里南

北距一百十里東至寧武府五寨縣界三十里西至保德州界九十里南至嵐縣界五十里北至五

寨縣界六十里東南至嵐縣界四十里西南至興
縣界五十里東北至五寨縣界四十里西北至保
德州河曲縣界七十里春秋晉地後為樓煩所據
漢為汾陽縣地後漢建安末為新興郡地後魏為
秀容郡地後為嵐州地隋大業中置奇嵐鎮唐長安
三年置嵐谷縣屬嵐州神龍二年省開元十二年
復置嵐谷縣五代因之宋太平興國五年於縣置
奇嵐軍屬河東路熙寧二年省縣入軍元豐六年
復置縣金大定二十二年升為奇嵐州元初仍降
為縣太祖十六年省縣入管州明洪武七年復置
奇嵐縣九年復為州屬嵐縣在府西北二百六十
太原府本朝因之嵐縣里東西距一百十里
南北距一百四十里東至忻州靜樂縣界三十里
西至興縣界八十里南至汾州府永寧州界八十
里北至奇嵐州界六十里東北至靜樂縣界六十
里西南至興縣界八十里東北至靜樂縣界六十

里西北至奇嵐州界六十里漢汾陽縣地後漢末
為新興郡地後魏置嵐州及奇嵐縣隋開皇中州
縣俱廢大業八年復置嵐城縣屬樓煩郡唐武德
四年改曰宜芳於縣置東會州六年改曰嵐州天
寶初曰樓煩郡乾元初復曰嵐州屬河東道五代
因之宋亦曰嵐州樓煩郡屬河東路金天會六年
升為鎮西軍節度屬河東北路元至元二年州縣
俱省入管州五年復置嵐州屬冀寧路明洪武中
降為縣屬太原府奇嵐興縣在府西北四百十里
州本朝直隸太原府東西距一百一十里南
北距一百六十里東至嵐縣界六十里西至陝西
榆林府神木縣界五十里南至汾州府臨縣界九
十里北至保德州界七十里東南至汾州府永寧州
界一百三十里西南至臨縣界一百六十里東北
至奇嵐州界七十里西北至保德州界一百里漢
汾陽縣地北齊置蔚汾縣屬神武郡隋開皇三

年罷郡屬石州大業二年改縣曰臨泉四年屬樓煩郡唐武德七年改曰臨津屬嵐州貞觀元年又改

曰合河五代宋及金初因之後升為興州屬太原路元屬冀寧路明洪武二年降為縣九年屬太原

府寄嵐州本朝雍正三年改屬保德州八年還屬太原府

形勢左有恒山之險右有大河之固三國志魏襟四

塞之要衝控五原之都邑唐李白錢臨谷為塹因

山為障舊志帶二水之雙流據百嶺之重阻雲代為

之前襟澤潞為之後翼府廳壁記

風俗土瘠民貧勤儉樸質憂深思遠有堯之遺風詩集

註
人物阜殷不甚機巧然頗勁悍習於戎馬前代

以來亦多文雅之士

隋書地理志

智愚不相欺貧富不

相耀民不譁張士不挾黨卿大夫不凌賤市公

舊志

城池太原府城

周二十四里門八池廣三丈宋初築明洪武中石築甃甃南北各有關城

本

朝順治六年於西南隅築城為八旗兵駐防之所後相繼增修

太原縣城

周七里門四有

濠明景泰初築正德中甃甃屢修乾隆十二年二十九

年再修

榆次縣城

周五

里門三池廣三丈隋開皇初建明成化中甃石本朝屢築

太谷縣城

周十二里門四

池廣一丈明正德中因舊城甃築本朝順治中重修乾隆二十一年又修

祁縣城

周四

里有奇門四濠廣三丈明嘉靖末因舊址築萬厯中甃甃本朝屢修徐溝縣城五

里金大定間築明萬厯中甃甃本朝交城縣城五

朝康熙中修乾隆三十三年重修初築文水縣城周

里有奇門四池廣三丈唐天授初築明崇禎中甃石本朝康熙中修文水縣城九

石本朝順治康熙中屢修乾隆二十七年又修奇嵐州城周

治中嵐縣城周四里門三有濠宋元豐中築明萬

興縣城周二里有奇門四有濠明景泰初築隆慶初甃石

學校太原府學在府治西北金天會中建本陽曲

縣學

在縣治西北金大定中建
朝屢修入學額數二十名

本太原縣學

在

治東舊在平晉故城內明洪武六年移
建今所本朝屢修入學額數十二名

榆次縣學

在縣治西宋咸平中建
屢加增修入學額數二十名

本朝太谷縣學

在縣治東南宋

崇寧中建本朝屢
修入學額數十二名

祁縣學

在縣治西南金大定
中在城東南隅明

嘉靖初遷建於此
屢修入學額數十二名

本朝徐溝縣學

在縣治西金
大定中建

本朝屢修入學
額數十二名

清源鄉學

在徐溝縣西南三十里
舊為清源縣學金泰和

初建本朝乾隆二十八年併縣入徐溝另改為
鄉學以徐溝學訓導移駐於此入學額數十二名

交城縣學

在縣治東元大德中建
朝屢修入學額數十二名

本文水縣學

在縣治東宋元符中建
本奇嵐州學在州治西
朝屢修入學額數十二名

中建
本朝屢修
嵐縣學在縣治東南宋元豐中
入學額數八名

數八
興縣學在縣治東北元至元間徙城北山上
名弘治中徙建舊址本朝屢修葺

入學額數
晉陽書院在府治東南舊在府治西南
十二名
名三賢祠祀隋王通宋司馬

光明薛瑄明萬歷初張居正奏毀所在書院祠遂
廢後巡撫魏允貞復建按省志以風后至叔齊

十七人位南向叔至呂坤十八人皆名宦西向
董狐至薛瑄十六人皆鄉賢東向卜子夏田子方

段干木皆寓賢居鄉賢上題曰三立祠取三不朽
語也本朝順治初移建今所更名三立書院雍

正二年復改今名又源池書院在榆次縣東源渴
村元趙彬建二賢書院在榆次縣治東本朝乾

隆十三年建明經書院在榆次縣北趙村乾隆十
九年建鳳山書院在太谷縣治東街乾隆十七年
建金河書院在徐溝縣東南康熙十八年建廬川
書院在交城縣南街康熙十一年建卦山書院在
交城縣西北卧龍岡康熙四十七年建養正書院
在交城縣東門外乾隆十三年建菁莪書院在交
城縣北門外乾隆二十一年建武林書院在文水
縣治西街乾隆二十八年建各州縣並設有義學
社學按太原縣舊有晉溪書院在縣西南十里
明少保王瓊建交城縣舊有通濟書院在城東門
外一隅書院在縣
治西南隅今俱廢

戶

口

原額人丁三十二萬一千八百四十九更名屯
丁一千四百九十四左右前三衛歸併各縣屯

丁一千八百六十八廢藩儀衛人丁六百
二十五又滋生人丁一萬三千九百零九

田賦

民田五萬六千二百八十二頃四畝六分零額
徵銀三十九萬六千四百一兩八錢八分五釐

零糧一萬八千六百八石六斗五升八合零 屯

田一千二百八十五頃二十六畝二分六釐零額

徵銀一千五百二十五兩九錢六分九釐零糧四

千九十六石八斗二升九合零 更名田二千四

十六頃七畝四分零額徵銀五千七百七十九兩

七分一釐零糧一千九百三十九石七斗三升六

合零 廢基荒地六十八頃五十三畝九釐零額

徵銀一百三十七兩一錢五分九釐零穀九十七

石七升四合零 河灘地八十頃六十二畝五分

一釐零額徵穀四百八十四石一斗七升八合零

山川罕山

在陽曲縣東五十里自太行蜿蜒而下東
跨平定州壽陽縣南連榆次縣周五十里

或謠為

方山

在陽曲縣東六十里舊漢柵山 在陽
志在縣東北山形如削

看山

欽定四庫全書

卷九十六

東北六十里周三十里接平定州孟縣界
舊志相傳漢時嘗置柵屯兵於此故名
阪泉山

在陽曲縣東北八十里縣志相傳舊名漢山晉
文公卜伐楚遇黃帝戰於阪泉之兆故以此名織

笄山
在陽曲縣東北九十里其
形如鳥舒翼亦名鳳凰山
冽石山
在陽曲縣西北四十

里一名冽石山谷山勢出泉
味甘美居人引流灌田
崛圍山
在曲陽縣西北

峭多林木
紅葉最佳
亭子山
在陽曲縣西北五十
里下有桃花三洞
風谷山
在

原縣西十里即風谷石壁有穴又有洞中有北齊
天保時刻佛經石柱一百二十六是山西接交城

為唐北都西門之驛道
申王存渥自晉陽走風谷蓋即此山胡三省注通
鑑以風谷為嵐

石室山
在太原縣西南七里樂史
谷之誤恐非
太平寰宇記後魏興國土

地記云太原郡山有石室方丈
四尺四壁有篆字人莫之識
卧虎山在太原縣西南七里

以形懸甕山在太原縣西南十里山腹巨石如甕
似名懸甕山水出其中亦曰汲甕山又名結紬山

山海經懸甕之山其上多玉其下多銅其獸多閭
麋晉水出焉郭璞注在今晉陽縣西北北齊書楊

愔傳愔隨父之并州入晉陽西懸甕山讀書元和
志一名龍山高齊武平六年置龍山縣以此名

尖山在太原縣西南里狀若駝峯產石炭一
十五里產礬炭駝山在太原縣東北三十五

名黑牢山在太原縣東北四十五里後魏書曰劉
駝山聰遣子榮襲晉陽猗盧救之遂獵牢山

陳閱皮肉山為之赤嬰山在太原縣西北三里襄
一名看山出金鉞宇記隋圖經云嬰山并

州之蒙山在太原縣西北五里一名西山隋書地
主山理志晉陽縣有蒙山元和志蒙山在晉

欽定四庫全書

卷九十六

陽縣西北十里崔鴻十六國春秋曰前趙劉聰征劉琨不克畧晉陽之人踰蒙山而歸即謂此也今

山上有楊忠碑志為周將討齊戰勝隋開皇二年追紀功烈乃建此碑忠即文帝之考 冀家

山在榆次縣北四十里綿延麓臺山在榆次縣東環拱為陽曲罕山之翼 南三十五里

一名鹿臺山魏書地形志榆次縣有鹿臺山祠元和志麓臺山俗名鑿臺山舊志高數十仞頂平衍

上有智寶峯山在榆次縣東南四十里蜿蜒奇特其南有溪谷之勝 鷹山在伯祠 在榆次縣東南四十里蜿蜒奇特其南有溪谷之勝 鷹山在

次縣東南八十小五臺山在榆次縣東北三十里小涂水出焉 鳳山在太谷縣東南南

鳳山在太谷縣南十里以鳳景山在太谷縣東南南形似名上有三浮圖 鳳景山在太谷縣東南南

圖 灰泉山在太谷縣東南二十里上有谷德將軍廟 鳳翼山在太谷縣東南二十

三里下有耐泉味甘可雙泉山在祁縣東南三十里山出雙泉故名

竭方山在祁縣東南六十里一名頂山周三十里南跨平遙迤邐接武鄉沁源靈石三縣界

幘山在祁縣東南七十里上有幘下幘二山皆周五里金史地理志祁縣有幘山高峯

壑山在祁縣東南七十里一名雲伏腦山盛暑積雪不消山分二支折東北者為綿嶺自麓十

八盤方至巔正牛心山在祁縣東南七十里北者為龍山水泉四匝山頂尖圓四縣

腦山在祁縣東南九十里山巔高廣登紫荊山在祁縣東南一百里山石多五色上出泉匯為太池西

崖有赤土洞東崖有銀洞今閉西北有風洞北有

溫風白石山在徐溝縣西三十五里一鳳山在徐溝縣

西三十七里中峯馬名山在徐溝縣西四十五里相傳漢文帝牧馬於此

安鞍山

在徐溝縣西南三十五里多產菜蔬

中隱山

在徐溝縣西北三十八里一名中隱谷四圍高峯其山中

隱故名中隱水出焉又西北四十里有仁山

交城山

在交城縣北一百二十五里古交城治此寰宇記交城山

出磨卧牛山

在交城縣東北七里又東北六里有玉山本名虎頭山金皇統四年改名

羊腸山在交

城縣東北一百二十里一名羊腸坂酈道元水經注汾陽縣北山漢屯農積粟在斯謂之羊腸倉山有羊腸坂在晉陽西北石登縈委若羊腸故倉坂取名杜佑通典交城縣有羊腸山隋煬帝改為深谷嶺元和志在縣東南五十三里嶺上有古石堞俗云魏太武帝避暑之所寰宇記郡國志云萬根谷山即羊腸坂也皇甫謐云羊腸塞在龍山即晉陽西北九

神師山

在交城縣東北一百九十

里下有東西二卦山在交城縣西北五里六峯特洞相去四十里立如卦其西為錦屏山綠崖

紅樹燦石壁山在交城縣西北二十里一名龍山若錦屏又名甘山疊巘周環拱列如壁

狐突山在交城縣西北五十里上有晉大夫狐突墓因名山有兩峯相接形如馬鞍一名馬

鞍山俗謂之放少陽山在交城縣西北七十里山馬坪舊出鐵鉗少陽山海經少陽之山酸水出焉

其上多玉其下多赤銀元和志在縣西南九十五里按唐天授中移縣治山南却波村治移而南

則山為北矣羊腸少陽之方位元文山在交城縣和志蓋就未移治時而言非誤也文山西北九十

里文龍鬚山在交城縣西北一百二十里一名龍水側拊山上有青崖寨南有黑龍洞

穀積山在交城縣西北一百五十里山黑石樓山形側立接汾州府永寧州界

在交城縣西北一百五十里黑石攢起如閣樓一名獨泉山洞穴中有石如盆盞泉出其中或曰北

漢石盃若益置於此大阿蘇山在交城縣西北一百五十里又南數里為小阿蘇山孝

文山在交城縣西北一百六十里相傳元魏孝文帝嘗避暑於此煉銀山城在交

西北一百七十里舊產銀鉛劉王輝山在交城縣西北一百九

里相傳劉淵都離石時嘗遊此山亦作劉伶嶂山龍王山在交城縣西五里

輒陶山在交城縣西二十里相近石峽山在交城縣西二

十五里其麓名靛頭山有石峽洞踰柏茆山在交城縣

北十三里山勢謁泉山在交城縣西南二十五里龍從古柏森鬱謁泉山一名隱泉山水經注隱泉

水出謁泉山俗云暘雨愆時是謁是禱故山得其名其山石岸壁立崖有石室去地可五十餘大唯西

側一處得歷級陞涉頂上建二刹泉發於兩寺之間東津隱沒而不恒流故有隱泉之名舊志一名

商山又名子夏山相傳卜子夏退居光緒頭山在文西河之上即此山有石窟曰隱堂洞

水縣西南三十里峯巒高峻日出時其光先照故名熊耳山在文水縣西北

山奇嵐山在奇嵐州東北元和志在宜芳縣北九十八里西北與雪山相接舊志在州東

北百里長百餘里即管涔山也蓋奇嵐在奇嵐坪蘆芽管涔俱屬一山而支峯別出東山在

嵐州東二里連接北山環抱城郭又州南一里有南山東連嵐縣西接赤堅嶺州西南一里有西山

奇峯聳翠石徑盤紆長城山在奇嵐州東三里下有霸王山白龍泉流合嵐漪河

在奇嵐州西七十里產石炭
雪山 在奇嵐州東北寰宇記在嵐谷縣東北四十里長六十里

嵐朔二州分界
荷葉坪山 在奇嵐州東北六十里頂平而圓狀類荷葉與寧武府五寨縣

接界
蘆芽山 在奇嵐州東北七十里跨忻州之靜樂寧武府之神池五寨諸縣界發脉於管

涿山疊峯聳秀前有小山尖如竹萌多生蘆草故名上有金龍池五龍洞秀峯嶺諸勝
銅鼓

山 在嵐縣南五十里上有砦
二郎山 在嵐縣北二十里又有雞

桃尖山 在嵐縣東六十里
黃嶺山 在嵐縣西南二十五里一名黃犂山又名黃尖

白龍山 在嵐縣西南五十里下有白
峨嵋山 在嵐縣西南五十里為大萬山

縣治北有三
合查山 在興縣東南八十里峯巒聳異下有龍池立祠其上禱雨

輒採林山

在興縣西南四十里
山勢峻拔甲於羣山
紫金山在興縣西南一百二

十里南麓有聖母泉北
麓石壁間有穴出風

石樓山

在興縣東北五十
里峭壁孤峯高百

餘丈四面不可梯唯向北一小徑紆
迴可達峯頂俯視羣山若培塿然

黃蛇嶺

在榆次縣

北唐武德二年劉武周
入寇至黃蛇嶺即此

神林嶺

在榆次縣東南三十
五里地陰寒盛

夏積雪與實
峯山對峙

盤腸嶺

在榆次縣東南五十里
徑盤曲如腸多產巨木

白

壁嶺

在太谷縣魏書地形志陽邑縣有
白壁嶺元和志在縣北七十五里
松嶺在太谷縣

東南三十里由壺谷入多
松檜下有巖穴深丈餘

馬嶺

在太谷縣東南七
十里接遼州榆社

縣界乏馬嶺

在奇嵐州東南五十里接嵐
縣界其路崎嶇曲折因名

巨麓嶺

在奇

嵐州西南五十里接興縣界山多松一名萬松嶺或謂之松子嶺下有水流入嵐漪河 鹿徑

嶺在嵐縣北 赤堅嶺在嵐縣西 龍岡在太谷縣東六十里 龍銷谷在陽曲縣東南五十里明初兵下澤潞

卧龍 龍銷谷在陽曲縣東南五十里明初兵下澤潞 洪霍特穆爾舊作擴 藍谷在太谷縣西七里通鑑晉

廊鐵木兒今改 藍谷在太谷縣西七里通鑑晉 志又有槐子谷在縣西南十五里葦谷在縣西

南二十五里黃盧谷在縣西十五里 臺壁谷在榆次縣 八里井谷在縣西北二十五里 咸陽谷在太谷縣南十三里城濠記秦伐趙

出美 咸陽谷在太谷縣南十三里城濠記秦伐趙 名 庵谷在太谷縣東南十五里長四十里 四卦谷

東崖石壁有佛像俗名千佛崖

四卦谷

在太谷縣東南二十五里谷中有泉分流四派

象谷

在太谷縣東南五十里即古蔣谷魏土

地記晉陽城東南一百一十里至山

回馬谷

在太

有蔣谷大道度軒車嶺通於武鄉

東北三十里

榆城坂

在榆次縣東南三十里壁立數十

人避

銅洞

在嵐縣北十里銅見溝舊

汾水

在陽曲

忻州靜樂縣南流入界南流徑太原縣又西南流

逕徐溝縣又西南流逕交城縣又西南流逕文水

縣又南流入汾州府平遙縣界周禮職方氏冀州

其浸汾潞水經注汾水南逕汾陽縣故城東南與

酸水合又南出山東南流洛陽水注之又南逕陽

曲城西東南過晉陽縣東晉水從縣東南流注之

西逕晉陽城南又南洞澗水從東來注之又南逕

梗陽縣故城東又南逕大陵縣東于縣左迤為鄆

澤又南過平陶縣東文水從西來流注之府志汾水在府城西門外去城里許宋天禧中陳堯佐引

流築堤為上巳水嬉之所南流至太原縣

東十里有米陽渡又西南流至交城縣東

南十五里鄭村合渾谷水又西南流逕文

水縣東五十里舊自縣東西南流入汾州

府汾陽縣界明萬曆三十九年

汾水東徙南流入平遙縣界

曲縣西北三十里源出縣西一百二

十里埽谷南流出天門谷入汾水

西北四十里發源

列石山流入汾水

洛陰水在陽曲縣北三十里自

水經注洛陰水出新興郡西流逕洛陰城北又西

逕孟縣故城南又西逕狼孟縣故城南又西南逕

陽曲縣城北又

真谷水

在陽曲縣北七十里南流

西南注於汾

過狼孟城西入洛陰水

洞渦水

在太原縣東南自平定州壽陽縣西南流入榆次縣界又西流逕徐溝縣又西流至

太原縣界入汾水一名同過水俗名小河水經注洞渦水又西蒲水北流注之又西與原過水合又

西過榆次縣南又西南流逕武觀城西北又西南為淳湖謂之洞渦津涂水注之又西到晉陽縣南

西入於汾元和志洞渦東自壽陽縣界西流入榆次縣經縣南四里又西南入於太原縣界西去縣

十三里入晉陽縣界經縣東南二十五里入汾水府志洞渦水流逕榆次縣東十五里會大涂水又

西七里會原過水舊自榆次縣流經太原縣入汾明萬歷二十九年水南徙東流至徐溝縣北五里

西南引為嘉平渠至太原縣南疏為郛村辛村張花三渠又西流至徐溝縣界入汾水

在太原縣西南源出滴瀝泉東流入汾漢書地理志晉陽龍山在西北晉水所出東入汾水經注出

晉陽西懸甕山昔智伯逼晉水以灌晉陽水分為
二流北瀆即智氏故渠也東南出城流注於汾水
其南瀆於石塘之下伏流逕舊谿東南出逕晉陽
城南又東南流入於汾元和志晉水泉初出處砌
石為塘自塘東分為三派其二派即鄴道元所言
者也其南派隋開皇四年開東南流入汾水唐書
地理志太原苦井不可飲貞觀中長史李勣架引
晉水入東城以甘民食謂之晉渠縣志晉渠俗謂
之北派其餘復分二派中派曰中河又分流為陸
堡河南派曰南河會流為清水河今入城之流已
涸餘引為渠
木瓜水 在榆次縣南源出遼州木瓜
以溉民田 嶺西流二十里經八縛嶺合
八縛水又西北流入縣注洞渦水八縛水
源出遼州和順八縛嶺下西入木瓜水
涂水 在
次縣南有二一曰大涂水源出和順縣八縛嶺西
北流至縣東南十五里入洞渦水一曰小涂水源

出鷹山西流入大涂水按水經注涂水入洞渦
在原過水之下今此水反在原過水上流蓋水經

注所謂涂水即今金牛坑水在榆次縣東南三十
水河而此實蒲水也

渦水 回馬谷水在太谷縣東南二十五里源出遼州
榆社縣黃花嶺西流經太谷縣東南

回馬谷因一名回馬河又名五馬河經祁縣界
至文水縣東四十里入汾又奄谷水出奄谷咸陽

谷水出咸陽谷在太谷縣西南西北流
俱流合回馬河胡谷水在太谷縣界合侯谷水象

谷水在太谷縣東北西北流至徐溝縣界入洞渦
水一名蔣谷水經注蔣谷水出陽邑縣東

南蔣谿西北流逕箕城北又西合涂水亂流西合
洞渦澤府志象谷河源出遼州榆社縣恤張嶺下

流逕太谷縣東北每秋深露寒河水澄侯谷水在
澈可鑒毛髮逕徐溝縣南入金水河

欽定四庫全書

劉安大澤一為澤
卷九十六

縣南源出沁州武鄉縣北流逕縣界又西流入汾
州府平遙縣界一名胡甲水今名昌源河水經注
侯甲水發源於平遙縣胡甲山又西北歷宜歲郊
逕太谷謂之太谷水出谷西北流經祁縣故城南
又西逕京陵縣故城北元和志胡甲水東南自潞
州武鄉縣流入祁縣又西入汾州平遙縣界縣志
源出武鄉縣胡甲山北流入祈縣龍舟谷名龍舟
水又名盤陀水北出為昌源渠繞縣東北又西南
入平遙通光水在祁縣東源出縣東南幘山北合
縣界通光水在祁縣胡城谷水北流經縣東北合
縣西北入伏罷水在祁縣南源出縣東南三十里
昌源河伏罷水在祁縣南源出縣東南三十里
河又北入屠溝水在徐溝縣西南四十五里舊名
昌源河屠溝水在徐溝縣西南四十五里舊名
漲冬清源水在徐溝縣西北三十五里元和志隋
則涸清源水開皇十六年置清源縣因縣西清泉

水為名縣志水自平地湧出亦曰平泉一名不老池引流溉田水溢則東南入汾又白石水源出白

石谷流合平泉又中隱文水縣在交城縣西北源出

水出中隱谷流入汾

文水

縣在交城縣西北源出

逕縣西又南流至文水縣東南入汾水一名文谷

水水經注文水出大陵縣西山文谷東到其縣屈

而南有泌水注之又南逕平陶縣之故城東西逕

其城內南流出郭又南逕縣右會隱泉谷水又南

逕茲氏縣故城東為文湖元和志文谷水出交城

縣西南文谷東南流入文水縣行八十里經縣西

又南入隰城縣界府志文水有兩源一出交城縣

孝文山後名渾谷水至文水縣谷口開柵二村入

汾一出交城縣劉王嶧山名步渾水在交城縣西

西谷水流至榆城合渾谷水北源出狐窰

山南步渾谷流逕塔莎水在交城縣東北源出縣

縣西又東南入汾塔莎水東北五十里塔莎谷南

欽定四庫全書

卷九十六

流逕縣東南入汾又有福泉水出縣東泌水在文北一百七十里福泉山亦東南流入汾水縣

北八里水經注大陵縣西南山下武氏穿井一朝水溢平流東南注文水寰宇記謂之神福泉猷

水在文水縣東北古大陵城東南周十餘里或以為即水經注所謂鄆澤也龍王堂水

在崑崙州東二里東山下亦名蒙泉味甘冽明嘉靖末兵備副使王遂引流入城以資汲飲後湮萬

歷中副使李時芳力加開濬因名李泉蔚汾水在嵐縣西源出黃嶺山西流入興縣界合

諸澗水在太原縣南源出壽陽縣李家山南入黃河澗河亦名赤坑河西南流逕榆次縣會

芹谷蒜谷白龍諸水至太原縣界入汾芹谷水出榆次縣東北四

十里蒜谷白龍河源出縣北二十里白龍村又有蘇河源出縣北四十里清水河源出縣北罕山

西孟家井俱西
南流入澗河
沙河在太原縣西七里源出風谷山經晉陽故城南隍中東流

入汾又文水縣東南亦有沙河源出祁縣界流經文水縣雲周村入汾
金水河在榆次縣

西南源出太谷縣東北大塔山合衆泉逕榆次縣至徐溝縣入洞渦水即古涂水水經注涂水出於陽

邑東北大嶮山涂谷西南
城南河在太谷縣南源逕蘿磬亭南與蔣谷水合
出馬鳴王谷直

抵城下明嘉靖二十三年因築城改南五里合咸陽谷水
石佛河在祁縣東南坡下流至下申等

村漫流入田
孔河在交城縣東北源出縣西北龍鬚山東南流逕馬蘭城北

又東逕故交
奇嵐河在奇嵐州南源出州東南之村南注汾
馬嶺北流逕城南西流合巨

麓嶺水又西流經興縣界至縣西北五十里入黃河一名嵐潞河寰宇記奇嵐河在嵐谷縣東從嵐

州宜芳縣走馬嶺下流出去砂河在奇嵐州東北
縣四十里西入合河縣界五十里繞城西

南入嵐漪河又州北五十里有名源水清水河在
州城北有長溝流水俱西南流入黃河

縣東一名綠水河源出縣北四十里雙松
山流經忻州靜樂縣之樓煩鎮入汾水大賢河

在嵐縣南源出縣南四十里柳峪村黃河在興縣
東北流至忻州靜樂縣界入汾水西五十

里自保德州南流入又南入汾州府臨縣界西
岸為陝西界元和志黃河在合河縣西二里南

川河在興縣南五十里源出合查山西南北流合蔚
汾水又有秋水亦出合查山西流至臨縣界

入黃臺驪澤在太原縣南一名晉澤元和志在晉
河陽縣西南六里隋開皇六年引晉水

溉稻田周迴四十二里縣志在縣南十
里舊為晉水匯處蒲魚所鍾今久涸東湖在徐
溝縣

西舊清源縣城內白石水所匯東西北三面臨
城廣居城邑之半有水門道灌稼渠以達汾
却

月湖

在交城縣城內東

黃龍港

在榆次縣東北半
里本漢唐故道歲

久為霖潦所
涸因疏為港

武勞泊

在文水縣南二十里唐天授
二年賜名朱雀泊又縣東南

二十里有伯
魚泊今皆涸

上戈渠

在榆次縣東十八里又南要
雙村牛耕王都諸渠皆引涸

渴水永春中郝小東闢王村楊村萬春偃武懷仁
王郝張慶永康陳胡諸渠皆引大涂水胡喬渠西

河堡渠皆引小涂水要村渠德音渠沙渠皆引金
水河水長壽渠引牛坑水西榮使張使趙楊盤鳴

李洪水諸渠皆引澗河水磳井沙河小谷口諸渠
皆引山水秋村渠引寺峪河水沙溝村渠引沙河

水皆滋灌
溉之利

沙渠

在祁縣東又有小沙大東胡帳范
公諸渠俱在縣東子洪魯村龍濟

諸渠俱在縣東南官渠斜渠賈令渠俱在縣東北
皆引昌源河水以溉田又南渠渠在縣東南引通

光水以灌稼田在徐溝縣西舊清源縣東門外洩
溉田城內東湖水以達於汾又廣濟渠

在縣西二十七里永濟渠在分水渠在徐溝縣西
縣西十八里皆引汾水溉田北又救荒渠

在縣西南俱本朝甘泉渠在交城縣西南自文
順治十七年開濬水縣流入又石堰渠

官渠俱引新渠在交城縣北引磁青高村渠在文
文水溉田瓦二河水以溉田水縣

東本朝雍正二年自青高村至尹家社開引
渠二道東城村河自開數十丈袤二十五里柵

城渠在文水縣西北唐書地理志文水縣西北二
十里有柵城渠貞觀三年民相率引文谷水

溉田數百頃西十里有長渠武德三年汾州刺史
蕭顥引文水南流入汾州東北五十里有甘泉渠

二十五里有蕩沙渠二十里有靈長渠千畝渠俱引文谷水溉田數千頃皆開元二年令戴謀所鑿

縣志今引汾水溉田之渠五曰廣濟曰永濟曰永會曰原開曰烏麻俱在縣東南引文水溉田之渠

七曰常稔曰廣濟曰甘泉曰洪橋曰清水曰崇通曰青龍皆在縣東北又有永賴渠自文谷口南崖

下鑿石穿澗並西山引文水入城暖水潭在奇嵐州東二里隆冬不凍龍泉在

曲縣西北自忻州靜難老泉在太原縣西相近有樂縣流入埽谷水善利泉俱大旱不涸

隆冬不凍寒泉在榆次縣東十里水旱不溢田百餘頃不涸西注洞洞水上有龍祠甘

泉在文水縣西南四通會泉在興縣東關北岡下十里下流入文水自崖間三穴湧出西

南流入昭餘池在祁縣東南七里水經注太谷水蔚汾水自祁縣連延西接鄆澤是為

祁藪即爾雅所謂昭餘祁也顧祖禹方輿紀要昭餘祁藪水久涸鹵元至元十一年濬得細水為昭餘池旁建成湯廟至明又涸本朝順治九年御井復溢按周禮職方昭餘祁在今介休縣界御井在太原縣西世傳宋太祖下河東飲馬於此

古蹟狼孟故城

在陽曲縣東北三十六里元和志史記曰始皇十五年大興兵至太原取

狼孟是也漢以為縣屬太原郡晉末省城左右夾澗幽深南面大壑俗謂之狼馬澗舊斷澗為城今餘壁猶存通典漢狼孟故城今汾陽故城在陽曲縣東北六十里

名黃頭寨

縣志在縣東北六十里

汾陽故城

在陽曲縣

西北九十里漢初為侯國水經注汾水又南逕汾陽縣故城東川土寬平垣山夷水漢高帝十一年封靳疆為侯國是也後為縣屬太原郡後漢省隋移陽直縣於此因改為汾陽尋省唐初復置後并

入陽曲元和志隋開皇十年移陽直縣於今陽曲東北四十里汾陽故縣十六年改為汾陽縣因漢

舊名也煬帝又改為陽直移今縣理武德三年於今縣西四十五里分置汾陽縣屬并州七年改為

陽曲縣孟縣故城在陽曲縣東北八十里元和志故

城孟城漢孟縣也本春秋時晉大夫祁氏邑在陽曲縣東北十里左傳曰晉分祁氏為

七縣以孟丙為孟大夫漢以為縣屬太原郡後魏省舊志隋開皇十六年復分汾陽置孟縣

大業初廢今謂之大孟城亦稱大祁城陽曲故

城在今陽曲縣東北元和志陽曲本漢舊縣今忻州定襄縣是也後漢末移於太原縣北四十五

里陽曲故城後魏又移於今縣南四里陽直故城隋開皇六年改為陽直縣十年又移於今縣東北

四十里改名汾陽縣煬帝後改為陽直縣移理木井城即今縣理也唐武德七年省故木井城東魏

孝靜帝築城中有井以木為甃因名舊唐書地理志武德七年改汾陽為陽曲縣仍移治陽曲廢縣

舊志宋太平興國四年平漢移并州治於陽曲縣三交寨遂為郭下縣七年又移治唐明鎮即今縣

治後漢陽曲故城在縣東北四十里羅陰故城在陽曲縣

東北七十里古洛陰城後為羅陰唐初置縣尋省今為羅陰城水經注洛陰水逕洛陰城北魏書地

形志陽曲有羅陰城舊唐書地理志武德七年分陽曲置羅陰縣於貞觀元年省燕然故

城在陽曲縣西北七十里唐書地理志貞觀六年以蘇農部落置燕然縣隸順州八年僞治陽曲

十七年省晉陽故城即今太原縣治古唐國相傳帝堯

虞於此虞子舜以有晉水改國曰晉左傳定公十三年趙鞅入于晉陽以叛其後簡子使尹鐸為晉

陽及智伯攻趙襄子走晉陽卒滅智伯史記秦莊襄王二年拔趙晉陽置太原郡漢高十一年封子恒為代王都晉陽晉永嘉時為劉曜所陷後魏永熙元年高歡破爾朱兆以晉陽四塞建大丞相府居之隋大業十二年以李淵為太原留守十三年遂自晉陽起義定天下元和志晉陽漢舊縣屬太原郡至後魏不改理并州城中高齊武成帝河清四年移於汾水東武平六年於今理置龍山縣隋開皇十年廢龍山縣移晉陽縣理焉唐因之又府城故老相傳晉并州刺史劉琨築城中又有三城其一曰大明城即古晉陽城左傳言董安于所築高齊後主於此置大明宮因名又一城東魏孝靜帝於此置晉陽宮隋文帝更名新城又一城隋開皇十六年築今名倉城馬端臨文獻通考并州後唐為西京又為北京周太祖即位劉昫據河東都其地宋太平興國四年平劉繼元毀

其城移州治於榆次縣舊志五代晉天福中以劉知遠為太原留守十二年晉主北遷知遠遂即位於太原既而赴洛以弟崇為北京留守周廣順元年崇復據晉陽即位是為北漢宋平劉繼元城邑宮闕皆毀廢至明洪武四年復移縣治於古唐城之南尋復曰太原即今治按宋史地理志及文獻通考俱謂太平興國四年并州改治榆次惟寰宇記謂四年即治陽曲縣寰宇記當時所纂自必據太原故城在今太原縣東北元和志太原縣本城中移晉陽縣於汾水東隋開皇十年移晉陽於州城中仍於其處置太原縣屬并州大業三年罷州置太原郡縣仍屬焉隋末移入州城平晉故城貞觀十二年還遷於舊理在州東二里

在太原縣東北二十里舊志宋太平興國四年平太原毀其城置新城於城北改曰平晉縣九年於

縣置監務咸平四年升為永利監熙寧三年縣省
政和元年復置金大定中廢監官止立縣事貞祐
四年省平晉縣興定元年復置元因之明洪武四
年改為太原縣移縣治於故唐城南即今治也

榆次故城

在今榆次縣西北元和志春秋時晉魏
榆地左傳石言於晉魏榆服虔曰魏晉

邑榆州里名也史記曰莊襄王二年使蒙驁攻趙
魏榆漢以為縣屬太原郡後魏太武帝并入晉陽

宣武帝復置高齊文宣帝省自今縣東十里移中
都縣理之屬太原郡隋開皇十年改中都為榆次

縣唐因之舊志漢中都故城在榆次縣東十五里
縣城後魏時徙中都故城在榆次縣東十五里

府平遙縣界後魏移置於此元和志中都故城在
榆次縣東十里高齊移於廢榆次縣城即今縣理

是陽邑故城在太谷縣東南十五里元和志太谷
也陽邑故城縣本漢陽邑縣地屬太原郡今縣東

十五里陽邑故城是也後漢明帝以馮魴為陽邑侯後魏太武帝省景明三年復置屬太原郡即今

縣是也高齊及周同隋開皇三年罷郡又并州十八年改陽邑為太谷縣

祁縣故城

在今

祁縣東南元和志祁縣本漢舊縣即春秋時晉大夫祁奚邑左傳晉滅祁氏分為七縣以賈辛為祁

大夫注曰太原祁縣按漢舊縣在縣東南五里故祁城是也後漢訖後魏不改高齊天保七年省

隋開皇十年重置明統志漢雲州故城在祁縣東祁縣治祁城村後魏徙今治

雲州故城

在祁縣東魏書地形

志雲州孝昌中寄治并州界元

梗陽故城

在徐溝縣西元

和志梗陽故城春秋晉大夫祁氏邑左傳曰晉滅祁氏分為七縣魏戊為梗陽大夫是也隋開皇十

六年於其城內置清源縣重加拓築

交城故城

在今

本朝順治十七年增修今為縣南關

交城縣北七十里元和志交城縣本漢晉陽縣地
隋開皇十六年分晉陽縣置取古交城為名屬并

州唐因之天授二年長史王及善自山北古交城
縣移就却波村置縣志却波村即今縣治隋交城

縣今名古交村在縣大陵故城在文水縣東北二
北汾水孔河交流處十九里周十餘里

晉平陵邑左傳昭公二十八年司馬烏為平陵大
夫即此趙為大陵史記趙肅侯六年遊大陵至於

鹿門武靈王十六年遊大陵夢處女鼓琴而歌漢
置大陵縣後魏廢魏書地形志受陽縣有大陵城

元和志大陵城漢大陵縣平陶故城在文水縣西
也在文水縣東北十里南元和志平

陶城漢平陶縣城也在縣西南二十五里屬太文
原郡後魏改為平遙縣徙治京陵在今汾州界

水故城在今文水縣東十里元和志文水縣本漢
大陵縣地後魏於今理置受陽縣屬太原

郡隋開皇十年改受陽為文水縣因縣西文谷水名之唐因之天授元年改為武興縣神龍元年復為文水縣城甚寬大約三十里舊志宋元符間因水患徙南漳沁村高阜即今治故城今為舊縣都

奇嵐故城

在嵐縣北本漢汾陽縣地後魏於此置奇嵐縣屬嵐州隋開皇中省入靜樂大

業八年復置嵐城縣屬樓煩郡唐武德四年改嵐城為宜芳縣六年置嵐州治宜芳舊志元嵐州治

宜芳縣至元二年省州縣入管州五年復置州不設縣明洪武二年降嵐州為縣

合河故

城在興縣西北五十里元和志合河縣東至嵐州一百八十里本漢汾陽縣地後魏於蔚汾谷置

蔚汾縣屬神武郡隋開皇三年罷郡縣屬石州大業二年改為臨泉縣四年屬樓煩郡唐武德七年

改為臨津縣屬嵐州貞觀元年改為合河縣以城下有蔚汾水西與黃河合故曰合河舊志合河縣

宋元豐中徙治蔚汾水北金升為興州明初降為興縣縣東南六十里又有故臨津城疑唐臨津治

即靈州廢縣

志在天二年於交城故縣分置靈川

縣開元二年省

合會廢縣

在嵐縣西南三十里今名合會鎮舊唐書地理志武德四年宜

芳縣分置合會縣九年省

太和廢縣

在興縣北舊唐書地理志嵐州武德四年以北和州

之太和縣來屬九年省

清源廢縣

在徐溝縣西春秋晉梗陽

觀三年又置八年又省色漢為榆次縣地後魏為晉陽縣地隋開皇十六年置縣屬并州大業初省入晉陽唐武德元年復

置開元十一年屬太原府宋金皆因之至於元屬冀寧路明屬太原府本朝因之乾隆二十八年

省入徐溝三十二年添設巡檢一員駐此

三交城

在陽曲縣北十五里李燾長編河東有地

名三交宋史太宗紀太平興國四年命潘美屯河東三交口寨宇記皇朝平晉移并州於三文寨陽

曲縣界縣志舊有三交驛今裁

唐城

在太原縣北蕭德言括地志云故唐城在并州晉陽縣北

都城記云堯所築叔虞始封此子變父徙居晉水傍并理故唐城

東城

在太原縣東唐書地

理志北都城左汾右晉汾東曰東城貞觀十一年長史李勣築兩城之間有中城武后時築以合東

城

三角城

在太原縣西北元志在晉陽縣西北十九里一名徙人城

捍胡城

在太原縣北元志一名看胡城在晉陽縣北二十三里

王陵城

在太原縣東北舊縣東汾

水側今為黃陵村寰宇記王陵城有晉太原王司馬輔冢

涂水城

在榆次縣西南二十里左

傳昭公二十八年知徐吾為涂水大夫杜預注曰涂水太原榆次縣漢書地理志榆次涂水鄉晉大夫

知徐
吾邑
武觀城
在榆次縣西南二十里陳侃村一名武館城水經注潤渴水兩南流逕武

觀城西北盧諶征艱賦曰逕武館之故郭
信都城
在榆次縣東十八里北魏時所僑置宋圖

經縣東鄉當名信
箕城
在太谷縣東三十五里左都即今來暮鄉氏春秋僖公三十有三年

晉人敗狄于箕杜預曰太原陽邑縣南
咸陽城
在太

有箕城水經注蔣谷水西逕箕城北
副井城
在太谷縣

秦伐趙時築以咸陽兵戍之因名
洛漠城
在太谷縣西北一

西南七里戰國時趙人戍守處今日副井村
羅摩亭
相傳秦將王翦伐趙所築唐明皇幸太原

置永豐頓兼立青城宮於此今名登豐邨水經注
涂水
逕羅磬亭南元和志羅摩亭俗
郛城
在祁縣

里一名鵲城今為高城村
相傳晉大夫解狐所居
趙襄子城在祁縣西北

趙村元和志沙城在祁縣西五里相
在縣西六里傳慕容垂所築
禿髮城在祁縣東

北二十里相傳禿髮氏所築又有
楊六郎城在縣東南二十五里
隆舟城在祁縣東南三

十里相傳北漢劉印駒城在徐溝縣西南五十里
繼元築以拒敵
里漢文帝置牧於交城

縣築此城
以印駒
舊城在徐溝縣西南二十里晉陽秋曰
永嘉元年洛陽步廣里地陷有二

鷲蒼者飛冲天白者不能飛
曜以為己瑞築此城以應之
劉馬蘭城在交城縣北九十里

孔河之南漢魏北齊皆
牧馬於此今名馬蘭村
榆城在交城縣西北一百
三十里其地多榆因

名大干城
在文水縣南十里元和志在文水縣西
南十一里本劉元海築令兄延年鎮之

其俗謂長兄為柵城在文水縣北二十五里後魏大干因以為名宣武時所築今名開柵村

蘇孤戍城

在奇嵐州東三十里相傳北齊所築其東北隅沒於水僅存三面今名三角村

長城

在奇嵐州北抵興縣北界北魏書孝靜帝紀武定元年齊獻武王召夫五萬於肆州北山

築城西至馬陵戍東至土隆元和志隋長城起合河縣北四十里東經幽州延案千餘里開皇十六

年因古安元城在奇嵐州西五里新州城在奇嵐

跡修築秀容城在嵐縣南北秀容也今為

十里天窰口秀容城在嵐縣南北秀容也今為

今有遺址秀容城在嵐縣南北秀容也今為

界去南秀容三百餘里水經注魏土地記秀容胡

人徙居汾陽立秀容護軍治東去汾水六十里元

和志秀容故城在宜芳縣西三十里劉

元海感神而生姿容秀美因以為名徐溝故鎮

即徐溝縣治王存九域志清源縣有徐溝鎮金史地理志徐溝本清源縣之徐溝鎮大定二十九年

升集義村

在徐溝縣東十里唐安祿山反李光弼復太原本村民集衆舉兵應之故名

屠賈村

在徐溝縣西南四十里相傳為屠岸賈故里

晉陽宮

在太原縣北魏書地

形志武定初齊獻武王置晉陽宮元和志晉陽宮在并州城內唐書地理志在北都之西北宮城周

二千五百二十步按據魏書唐書所言則唐并州城在後魏并州城東蓋太原縣本在州城東唐築

東城中城以聯之遂與避暑宮在太原縣西南三晉陽俱為郭下縣也避暑宮十里相傳北齊神

武帝避暑白馬府在陽曲縣西北五十里竹馬府在暑處隋置戍之所謂之故府太

原縣又榆次縣東八里有洞渦府東南十里有昌寧府太谷縣治東有寧靜府皆唐貞觀中置以居

府兵者唐書地理志太原府有府十八曰興政復化寧靜洞渦五泉昌寧志節汾陽靜智信童晉原

聞陽清定豐川竹馬懷胡西胡文又瑞壇在太原縣谷城中有天兵軍開元十一年廢

志在并州理倉城中唐書地理志唐初高祖使子元吉留守獲瑞石文曰李淵萬吉築壇祀以少牢

狄梁公故里

在陽曲縣西南二十里狄村其村內慈觀寺有碑記萬年頓在太

谷縣西北十里本名龍泉頓晉陽記唐開元十年帝幸太原時北都留守杜暹奏曰龍泉地主姓唐

名萬年姓符國號名表天講武臺在太原縣西北長乞改為萬年頓從之

縣西北十五里鑿臺在榆次縣西戰國策韓魏殺顯慶五年置智伯瑤於鑿臺之下後漢書

郡國志榆次縣有鑿臺元和志在縣西四里今為洞渦水所侵無復餘跡舊志又縣東五十里有廢

臺相傳冉閔為并州刺史時所築又有涼馬臺在縣北十里籌邊樓在府治內

太原時形霞樓在陽曲縣西汾水隈上宋州守陳堯佐建棟華堂在陽曲縣

西宋韓絳韓縝兄弟相繼守安武堂在陽曲縣治西明統志下

太原時所建李清臣作碑記秋汾水宋時每春起義堂在太原縣東唐書地理志北都宮城東有起義

堂元和志起義堂碑在乾陽門街號令堂在太原開元十一年明皇幸太原所立縣城內

唐書地理志晉陽有號柏堂在太原縣內唐時今堂高祖誓義師於此北平王馬燧建愛

月亭在府城內宋馮京守太原時建又山亭在太原有四照亭水心亭俱在陽曲縣西原縣

西唐建有張弘思鳳亭在榆次縣治晉荀藐為令靖諸人石刻鳳集其境後人思之宋天

聖中清暉亭

在興縣東六十里明嘉靖三十七年建

西山冶

在交城縣西北

寰宇記大通監管東西二冶西山冶在監西文谷內義泉社去監六十里此冶取孤突山鐵鑛烹煉

縣志今縣西北八十里西冶村有大通潛邱鐵冶宋設都提舉司及鐵冶所巡司

潛邱在太原縣東八

里爾雅曰晉有潛邱隋開皇二年於其上置大雁興國觀宋修惠明寺浮屠陶土作瓦是邱遂湮

邱在陽曲縣西汾水旁金元好問赴府試道中羅者捕二雁一雁死一脫網盤旋哀鳴亦接地死

好問贖瘞汾水旁壘土為邱作雁邱詞

戰塚

在徐溝縣東一里相傳唐太宗與劉黑闥戰於

此

欽定大清一統志卷九十六

欽定四庫全書

欽定大清一統志卷九十七

太原府 二

關隘天門關

在陽曲縣西北六十里唐書地理志陽曲縣有天門關宋史高繼宣傳趙元昊

寇麟府繼宣帥兵營陵井抵天門關府志天門凌井一通相連互為首尾山之東盡為天門山之西

盡為凌井山勢險阻旁有深溝稍上為石梯可二丈許新志明崇禎十六年孫全民堡於此與凌井

紅土橋共相犄角舊有巡司本石嶺關在陽曲縣東北

百二十里北去忻州四十里為并代雲朔要衝勢甚險固唐武德三年突厥窺晉陽白石嶺以北皆

留軍戍之至德中置石嶺軍宋開寶二年太祖征
晉陽遼師來援命何繼筠將兵赴石嶺關拒却之
太平興國四年以郭進為太原石嶺關都部署斷
燕薊援師元至正二十年命博洛特穆爾守石嶺
關以北察罕特穆爾守石嶺關以南明初嘗築土
城戍守後圯萬歷二十二年改為石築延袤二百
丈有奇置巡司於此今因之博洛特穆爾舊作
字羅帖木兒察罕特穆爾舊作察罕帖木兒今並
改馬嶺關在太谷縣東南七十里馬嶺上其地控
扼要險自昔為戍守處唐書地理志嶺
上有長城自平城至魯口三百里貞觀元年廢樂
史太平寰宇記路通古邢州明統志路通直隸順
德府界曹學佺名勝志五代梁伐太龍舟峪關在
原刺史張歸厚自馬嶺關入即此
縣東南九十里南通沁州北通徐溝兩
壁皆山旁有胡甲水舊有巡司今裁蔚汾關在

縣東唐書地理志嵐州合河縣東有蔚汾關合河
北有合河關元和志在合河縣東七十里

關在興縣李吉甫元和郡縣志在合河縣北三十
五里唐開元八年并州長史張說出合河關掩

擊叛羌大破之宋慶歷元年趙元昊陷豐州遣兵
絕麟州餉道議者請棄河外保合河津金史地理

志嵐州合河縣有合河津鎮即洪谷堡隘在岢嵐
此新志在興縣西北七十里

十里唐書僖宗紀乾符五年崔季康及李克用戰
於洪谷宋史地理志嵐谷縣有永和洪谷等砦胡

三省通鑑註岢嵐軍南有洪谷今天澗堡隘在岢
為洪谷堡隘路出汾州府永寧州

北五里路通朔平府朔州兩山並峙深狹如澗俗
名暗門子又有于坑堡隘在州西北八十里路通

保德故交村巡司在交城縣東北九十里本朝
康熙四十年設巡司於此知縣

趙吉士議交城東北與靜樂陽曲接界其山若神師羊腸交山皆絕險而河北古交村當其奧左汾

右孔二河夾之又百井鎮在陽曲縣北四十里一相近有古交城

曲縣有百井砦府志今城東北七十源渦鎮在榆里有栢井鋪或以為即古栢井鎮云

東八里又東陽鎮在縣南三十里永康鎮在縣西南三十里皆有堡城又王胡鎮在縣北八里四鎮

皆大聚落為商什貼鎮在榆次縣東北五十五里旅止宿之地

為井陘范村鎮在太谷縣東乾隆四十三年子洪驛道添設主簿一員駐劄於此

鎮在祁縣東南三十里南倚雙泉盤陀鎮在祁縣山又縣東北三十里有白圭鎮

十里宋史姚古傳靖康元年金人進兵迎古遇於盤陀縣志又有來遠鎮在盤陀東南去縣七十里

有寨在東山巔明嘉靖間
設四面臨溝上壘石橋
團栢鎮在祁縣東南六

南接武鄉金史地理志祁縣有團栢鎮亦曰團栢
谷新志又北關鎮在縣東南九十里相傳宋太祖

征河東克金
鎖關即此
賈令鎮在祁縣北十五里以春秋時
晉大夫賈辛名舊置賈令驛

明嘉靖十二年移置城西因築堡於此
其北又有新韓鎮明萬歷二十五年建
故驛鎮在

滿縣北三十五里又堯城鎮在縣西南二十
里高白鎮在縣西南五十里一名蒿泊鎮
孝義

鎮在文水縣
南三十里
東村鎮在嵐縣東南三十里有堡又
大賢鎮普明鎮俱在縣南合

會鎮在縣西南上明鎮吸百里鎮大
蛇頭鎮俱在縣西河口鎮在縣北
交城營在交

西城外
本朝康熙
創設
埽峪村石寨在陽曲縣西北九
十里凌井口天門

闕之險要也

陽興砦

在陽曲縣東北一百里宋史地理志陽曲縣有百井陽興二砦府志

陽曲縣境內堡寨凡七十餘所皆為防禦要地

晉安砦

在太原縣故晉陽城南亦曰晉安鄉

史畧注晉安寨在太原縣西南三十餘里晉祠南

谷頭寨

在榆次縣北十五里又訓谷寨

在縣東北二十里形險天成

聖賢寨

在榆次縣西北二十里軌井堡後又有楊壁寨中平

如砥四面深溝惟東一徑僅容旋軌

杏林寨

在太

麓臺寨即溝為塹旁通曲徑中平衍

東十里又奄谷寨在縣東南十五里東咸陽寨在縣西南十里朝陽寨在縣東北十里又東北有牛

安寨

在祁縣東南三十里雙泉山巔明嘉靖間置

許寨東賈寨閭村寨

以上俱明嘉靖間築

水泉寨

在交城縣北一百里故交村又龍頭寨在縣北一百二十里皆高百餘丈周圍石崖

僅通

石壁寨

在交城縣西北石壁山上一嶺孤高
下視溝谷極為險峻又縣西北有盧

頭寨拔水寨西南有三山寨三層寨
皆高百餘丈壁壘巉巖僅通單騎

馬西寨

在文水縣

西隱泉山上因山設險堽石為
城周三里明嘉靖十九年置

寒光寨

在岢嵐州北五十里

金史地理志地有寒光堡新志作韓光寨
又州東南有天牢寨西南有溫泉小砦

鹿徑嶺

寨

在嵐縣北六十里
舊有巡司今裁

天村寨

在嵐縣北二十五里
有城周三里明洪武

九年調振西衛紅土橋堡
官軍守禦尋罷

在陽曲縣東北八十里
當孟縣壽陽孔道其地

焦鹵無居民為盜賊藪明崇禎中築生民堡於此
以備守禦又范家堡辛莊堡三和上堡三和下堡

俱在縣
東北

全民堡

在陽曲縣西北六十里天門關又
安民堡在縣西北八十里凌井驛

俱明崇禎十六年築又新城村堡永寧堡小店堡
向陽堡鎮城堡俱在縣西北皆民堡也

在太原縣東十五里東至榆次甄井村墩汎二十
里東北至陽曲親賢村墩汎十七里南至徐溝同

戈村墩汎三十五里北至陽曲老軍東莊水堡在
營墩汎二十五里乃太原四達道也

原縣南八里周二里因晉水為濠甚險固其西南
有王郭村堡姚邵堡高家堡又縣東南有南格堡

其東為嘉節堡在太原縣東北汾河東岸其南為
張花堡嘉節堡孫家寨堡其東為賈家寨堡折而

西為鞏家堡又鄭村堡在太原縣東三十里其東
西北為范家堡鄭村堡為西賈堡接榆次縣界又

縣東北有許東堡縣西董茹堡在太原縣西北十
南有故驛堡棗園堡二里其北為南堰

堡又北為義井堡又西為北東郝堡在榆次縣東
堰堡因山為險高數十丈

壽堡開白堡陳胡堡俱在縣南懷仁堡
馬龍堡張慶堡胡喬堡俱在縣西南
使趙南堡

在榆次縣西北八里外為馳道環斄以輓門以鐵
為之南北建樓四隅置鋪稍北又有北堡又楊盤

堡在縣西北十五里磚井堡在縣西北二
十里以上諸堡皆明嘉靖二十一年築
武村堡

在太谷縣東北臨象谷水三面石厓勢極險阻唐
武德初築為戍守處又上善堡在縣北陽邑堡在

縣東北白堡在縣東北洸村堡
白城堡俱在縣西南皆官堡也
惠安堡在太谷縣東南十八

里又東南有桃園堡四卦堡回馬堡又白村堡郭
村堡俱在縣北胡村堡小常堡東里堡西薄堡俱

在縣東北登豐堡在
武鄉堡在祁縣東二十里又
縣西北皆民堡也
溫曲堡東六支堡俱

在縣東南高村堡王村堡西六支堡谷戀堡俱在
縣東北南谷豐堡在縣西北皆明嘉靖年間築

懷遠堡

在徐溝縣西南又有楚王堡在縣南

靖安堡

在交城縣西北百四十里明崇

禎三年建營設守備十一年築堡後移駐文水縣之開柵鎮本朝康熙十年復設守備駐此雍正

十年改設都司為控制要區

孝義堡

在文水縣南十三里其南二里有孝義墩接交城縣

界又縣西南有岳青堡東南有仁義堡俱明嘉靖時置

開柵堡

在文水縣北二十五里開

柵鎮接交城縣界周四里今其半為文峪水所啗毀又縣東有原東堡接祁縣界西南有青泉堡雲

州村有雲州東西二堡俱明嘉靖二十一年建置

三井堡

在岢嵐州西北四十里元為岢

嵐鎮立巡司明廢為三井村萬歷中於村北復設三井堡

飛鳶堡

在嵐縣西北六十里之馬

嶺宋史地理志宜芳縣有飛鳶堡按明初為孟之馬嶺寨洪武九年調振西衛官軍守禦尋罷

家峪

在興縣西南五十里黃河崖路通黑峪口

縣西五十里即黃河官渡界河口

在興縣東六十里路通岢嵐州

通陝西神木榆林諸處

明初設巡司後罷

成晉驛

在陽曲縣北七十里有驛丞今裁

凌井驛

在陽曲縣

西北八十里金史地志陽曲縣有陵井驛後訛陵為凌舊有驛丞今裁

鳴謙驛

在榆次縣

北二十里西去府城五十里明景泰七年築盤陀城周三里許門三池繞其外舊有驛丞今裁

驛在祁縣東南三十里子洪鎮明洪武三年建同驛七年嘗置盤陀遞運所於此舊有驛丞今裁

戈驛

在徐溝縣北關外西岔口村

在交城縣北一百十里北至靜

樂天成川四十里明天啟間曾建營房於柳林在孔河都岔口諸村防兵二百守備統之

原縣東南三十里縣志今縣東十五里有柳林莊又東南有東柳林莊

津梁迎澤橋

在陽曲縣南門外明萬歷中建府志又有承恩橋在南門外宜春橋迎暉橋在

東門外振武橋阜成橋在西門外鎮汾橋在陽曲速橋拱極橋在北門外皆因門得名汾橋縣東一

里鄆道元水經注魏土地記曰太原城東汾水上舊有梁襄子解衣之所元和志汾橋架汾水即豫

讓欲刺趙襄子處橋長七赤橋在太原縣南七里十五步廣六丈四尺今廢

豫讓橋宋太祖鑿卧虎清跨橋在太原縣南八里山血流成河因更今名清跨橋在太原縣南八里

名清水柳林莊橋在太原縣南汾河上又汾源名因名柳林莊橋河上有南屯橋小店橋源

橋在榆次縣東八萬春橋在榆次縣南二里許旁里甃石為之翼以欄其下壘石為洞

中平如砥又南有郭村橋脩文橋東南有中張慶
郝橋三橋皆架木覆土水涸則成水漲則圮

橋在榆次縣西南二十里豎巨石為梁繞以石檻
四周堅緻又永康橋在縣西南三十里乃徐溝

縣之京通道又永流村橋在榆次縣北二十
濟橋在縣西十里明萬歷中築什貼

橋在榆次縣東北四十里橋永濟橋在太谷縣南
跨深溝積土為之無水患

中建又西門外有濟民橋嘉靖中韓令橋在祁縣
建北門外有利涉橋萬歷中建

又園柏橋在縣東南園柏鎮上段橋在祁縣西二
又澗村橋在縣東南二十里

橋在縣北十五里皆以土木米陽橋在徐溝縣西
結構夏初則撤秋杪復修

名又有孔村橋青堆橋俱跨汾廣仁橋在交城縣
水上秋冬架木為之夏則撤去北門外又

通濟橋在縣東門外南城交河橋在交城縣古交

會本朝康熙朝陽石橋在文水縣東門外又縣

四十七年建朝陽石橋在文水縣東門外有連城橋本

朝康熙十一年用石重構縣西門外有樂成橋北

門外有通濟橋俱焚軌石又廣濟橋在縣北文谷

善濟橋在嵐漪橋在岢嵐州南門外通惠橋在興

汾水上又通濟橋在州東通惠橋在縣城

內通惠水上又利涉橋在東門外汾河渡在陽曲

通惠泉水經橋下明嘉靖中石甃

十里道通太原縣夏秋

置船冬春為木橋以渡

堤堰捍水堤在榆次縣有三一在縣西南懷仁村一

在縣南王郝村一在縣南西長壽村明

萬歷中築皆因涂護城堤在徐溝縣南明萬歷

水暴漲築堤捍之

長

堤

在徐溝縣北延袤七里明萬沙堰在太原縣西

舊築以障風谷水後白石堰在徐溝縣西三十五

白石瓦窰官堰在交城縣西北五里元至正中築

修壘石為堤障水南流長百五十

餘丈夾岸置柳固堤名卧虹堤

陵墓周叔虞墓

在太原縣西南十五里馬鞍山俗謂

志叔虞子燮父葬在縣

治東南人呼晉侯墓

狐突墓在交城縣西北狐

雨最祁奚墓在祁縣魏書地形志祁縣有祁奚墓

靈元和志在縣西之高城鎮縣志在縣

欽定大清一統志

南榮仁村子
午墓在其右

閻沒墓

在徐溝縣西南三十五里
和志在清源縣西南三

里漢周黨墓

在祁縣東南魏書地形志祁縣有周
黨冢元和志在縣東南四里名勝志

縣東南十里小韓村
漢周黨宅墓在焉

溫序墓

在祁縣西北修善村
後漢書溫序傳序為

阮騷別將荀宇所刼伏劍而死光武命送喪到于
洛陽賜城旁為冢地子壽夢序告之曰久客思鄉
里壽棄官上書乞歸葬帝許之乃反舊塋唐章懷
太子註序墓在今并州祁縣元和志在縣西北四
里王允墓

在祁縣西北修善村後漢書王允傳
獻帝思允忠節改殯遣送還本郡

晉

冉閔墓

在榆次縣東
南二十里

南北朝魏蠻王墓

在徐溝縣
南二十里

相傳後魏延平初蠻王梅安
來朝道卒葬此今名青堆

郭祚墓

在榆次縣東
八里源渦村

北齊可朱渾元墓

在榆次縣東源渦村

斛律金墓

在太原縣西南十七

里唐邕墓

在祁縣東南七十里碑云齊尚書令晉昌王

隋韓子誕墓

在

水縣南十九里

唐溫大雅墓

在祁縣東南五里名勝志大雅與其弟彥博俱葬縣之東

北有碑李淳風墓

在徐溝縣北十里同戈村

李良臣墓

在榆次縣西北十里

子光進光顏孫昌元等皆祔前有石柱二碑二制極高闊顏炎武金石文字記安定郡王李光進碑

令狐楚撰嗣子李元書太尉李光顏碑李程撰郭虔正書今俱在榆次縣五代唐張承

業墓

在交城縣西南十五里洪相村

周德威墓

在陽曲縣西北十里

李存進

墓

在太原縣東北三十里

李存孝墓

在太原縣西七里風谷口

晉符存審

墓

在太原縣西南

史匡翰墓

在太原縣東北三十里金石

文字記駙馬都尉史匡翰碑

陶穀撰閭光遠行書

北漢劉氏墓

在太原縣西南三十里天龍谷

今在太原縣皇陵村

宋邢昂墓

在太原縣晉祠南原上

中或云北漢主劉旻等葬所也

折克行墓

在太原縣晉祠南原上

準文彥博陳堯佐范仲淹皆有詩刻石

折克行墓

在太原縣晉祠南原上

祠金劉明達墓

在太原縣北水秀村東七里明達

養母至孝金貞祐中封金吾上將

唐通志入元郝天挺墓

在太原縣

軍通志入元郝天挺墓

在太原縣北水秀村東七里明達

養母至孝金貞祐中封金吾上將

明周經墓

在太原縣

西三里裴村

薄彥徽墓

在太原縣北水秀村東七里明達

養母至孝金貞祐中封金吾上將

明周經墓

七里蒙山之麓

薄彥徽墓

在太原縣北水秀村東七里明達

養母至孝金貞祐中封金吾上將

明周經墓

祠廟帝堯廟

在徐溝縣西二十里成湯廟在祁縣有

東南七里昭餘祁故地元至元中建歲旱土人爆

沙聚祠中置瓶其上以禱雨得水輒應一在縣東

南三十里于洪鎮南漢文帝廟在陽曲縣東北按

雙泉山金大定中建漢文帝廟漢紀文帝初封代

都晉陽二十三年嘗如魏孝文帝廟在交城縣西

太原故後人立廟祠之魏孝文帝廟北按寰宇通

志縣西有孝文山乃魏道武牧地孝汾神廟有二

文魏賢君人思其德故立廟於此汾神廟一在

陽曲縣西門外以尹鐸董安子配一在太原縣晉

澤南曰汾水川祠金天氏有子曰昧為元冥師生

臺貽能業其官後人立祠祀焉五代史晉紀天福

六年封臺貽為昌寧公縣志本名臺貽廟唐時節

度使盧鈞改今名宋掌五龍祠在興縣東北十里

禹錫有昌寧公廟碑記又龍母祠亦在縣

西八蜡廟在陽曲縣南廣應王神祠在興縣南合

池舊建合溪龍王廟明晉祠在太原縣西南十里

洪武七年改稱今號晉祠懸甕山麓晉水發源

名祠祀唐叔虞虞封唐子變因晉水更國號因以

經注枕水有唐叔虞祠水側有涼堂結飛梁於水

上左右離樹交陰希見曦景於晉川之中最為勝

處北史齊紀天統五年改晉祠為大崇皇寺元和

志在縣西南十二里姚最敘行記晉祠碑在乾陽

門街開元十一年明皇幸并州所立御製并書金

石錄唐高祖起兵禱於晉祠貞觀二十年太宗為

立碑今尚矗立覆以亭縣志晉祠內又有晉源神

祠舊名女郎祠宋天聖中建歷代祈雨甚靈故加

封號內有古柏通志引宋史太原城西十里谷中

有娘子廟太平興國四年曹翰從征太原軍中乏

水往禱之穿源得水人馬以給當即晉源神按
北史薛孝通詣晉祠獨不拜曰此乃諸侯之國去
我何遠是當時所祠者叔虞非水神也志稱宋天
聖間建女郎祠於水源之西殆即所謂娘子廟者
與叔虞合祠當在此時一祀晉水源之神一祀晉
始封之君後人或以其加封聖母疑為叔姜則傳
謠已甚宜洪武初狐突祠在文城縣北狐突山上
之改稱今號也狐突祠宋景祐中賜額忠惠祠
廟又徐溝縣有狐偃廟在縣南內道村里克祠在
溝縣西北四十里仁山介子推祠在太原縣東五
之巔金大定十年建介子推祠里水經注汾水
西逕晉陽縣城南舊有介子推祠祠前子夏廟在
有碑魏書地形志晉陽有介子推祠
水縣有三一在商山陽竇鳴犢祠在陽曲縣西北
一在南武都一在樂村竇鳴犢祠四十里列石口

一名冽石廟宋封英濟侯府志廟中有木在神龕中狀如沉香蚊蠅不敢近俗名辟蠅木又有碑捫

之光潤洞照人趙簡子祠在徐溝縣西北三十五里平泉村元至大四十年影俗名透玲碑

建尹鐸祠在太原縣西趙襄子祠在太原縣南五門外明時建趙襄子祠在太原縣南五

珂與石敬瑭同入廟原過祠在榆次縣東祀趙襄中神像屹然起立

過水西阜上有原過祠棟宇雖淪攢木猶麓臺山茂元和志在榆次縣東九里俗名原公祠

祠在榆次縣東南元和志俗名智伯祠在麓臺山上縣志其下有神頭村相傳為智伯墓樊

會廟在交城縣西北瓦窰河東相傳噲從高祖攻韓王信於代北道過交城後人立廟以祀一

名舞陽諸葛武侯祠有二一在太谷縣南十三里侯廟咸陽谷一在徐溝縣東賈村

忠烈祠

在陽曲縣治內三橋街本朝順治七年
建祀姜瓖叛逆時死節諸臣自巡撫都御

史祝世昌以下
共三十九人

寺觀崛巘寺

在府城西北四十里唐貞元中
建有李克用父子題名刻石

壽寧寺

在陽曲縣治東宋大中祥符中
建有真宗御製碑字多剝落

天龍寺

在太原縣
西南三十

里北齊皇建元年建內有石室二十四龕石佛像
四明嘉靖二十五年於西巖鑿石洞三龕以避寇

童子寺

在太原縣西十里龍山
上北齊天保七年建

法華寺

在太原縣
西北十五

里北齊天保三年建賜額開化寺
有五代蘇禹珪王好古所撰碑

永壽寺

在榆次
縣東源

渴村漢建寧初建唐元和十二年自村東
移置今所宋大中祥符初增建經閣浮圖
永寧寺

在交城縣西北二十里石壁山南北魏延興三年
建太和年間修有甘露之應唐貞元十二年重修

甘露復降賜名石壁永寧寺元和七年甘露又降
賜名龍山石壁永寧禪寺內有甘露壇殿後東北

由石磴而上有千佛閣李白書壯觀二字扁於上
寺後北巖下有龍潭泉俗傳古龍潭禪師演法於此

雲際寺在奇嵐州西四十里建慶安寺在興縣西北兩
里宋宣和三年建慶安寺元至元十四年

建明洪武間置僧會司天慶觀在陽曲縣治東南元中統中
建明洪武間置僧會司天慶觀建內有通明閣高數丈明洪

武中長春觀在太原縣西南宋延祐元昊天觀在
年建有學士陳儼碑記昊天觀太

原縣西十五里龍山絕頂元貞元年建內神霄
有石室八龕明洪武中併北極觀入之焉

玉清觀在奇嵐州治東宋徽宗棲霞觀在興縣東
御製并書碑刻俱在

明昌
中建

名宦漢張敞

河東平陽人為太原郡清鄭昌泰山剛人
守滿歲為真太原郡清鄭昌成帝時為

太原太守著治迹條彭宣淮陽陽夏人成帝
教法度為後所述時為太原太守馮衍

京兆杜陵人更始二年尚書僕射鮑永行大將軍
事以行為立漢將軍領狼孟長屯太原繕甲養士

并土劉瓚平原人桓帝時為太原太守時小黃門
晉陽趙津等詔事宦官貪橫放恣為一

縣巨患瓚使郡吏王允考按其罪雖經赦令
竟殺之宦官因緣瓚訴帝震怒徵瓚下獄死晉荀

藐穎川人榆次令為政以德而民懷之會鳳集其
境武帝下詔褒美曰就之如日月敬之如神明

愛之如父母王陟瑯琊人永興初為嵐州守時劉
樂之如時雨王陟瑯琊人永興初為嵐州守時劉

陟約拒寇陟曰公不負朝廷陟敢負公哉南北朝
協力守禦卒賴保全後陟既遷其地乃陷

魏元徽

景穆曾孫明帝時為并州刺史先是州界
夏霜安業者少徽輒開倉賑之文武共諫

止徽曰昔汲長孺郡守耳尚輒開倉救人災弊况
我受委大藩豈可拘法而不救人因也先給後奏明帝

嘉之如安北將軍汾州山胡舊多劫掠自徽為郡
羣胡相戒勿得侵擾鄴州汾肆之人多來詣徽投

訴願得公判除泰州刺史還都吏人泣涕攀車不
能自己徽車馬羸弊皆京來舊物見者莫不歎其

清儉北齊段韶

姑臧武威人家五原郡大寧二年除
并州刺史為政舉大綱不存小察甚

得民和周宇文神舉

文帝族子建德中從平并州即
授刺史州既齊氏別都控帶要

重又甫平定多有姦猾神舉勵精為
治示以威恩旬月之間遠近悅服

隋皇甫誕

安

烏氏人開皇末漢王諒為并州總管威選寮佐上
以誕公方著稱拜并州總管司馬總府政事一以
詰之諒甚敬焉煬帝即位諒發兵作亂誕諫止以
死請諒怒囚之及楊素將至諒叱清源以拒之諒
主簿豆盧毓出誕於獄協謀拒
諒諒襲擊破之並抗節遇害 陶模 京兆人仁壽
馬漢王諒作亂刺史喬鍾葵將赴逆模拒之唐竇
臨之以兵辭氣不撓遂繫獄及諒平拜開府
靜岐州平陸人武德初并州大總管府長史是時突
厥數萬為邊患糧道不屬靜表請屯田太原以
省餽運歲收粟數萬斛詔檢校并州大總
管又請斷石嶺以為障塞制突厥之入 李靖 京
三原人武德八年突厥攻太原靖為行軍總管以
江淮兵萬人屯太谷時諸將多敗獨靖以完軍歸
李勣 曹州離狐人貞觀初行并州大都督府長史
治并十六年以威肅聞帝曰煬帝不擇人守

邊勞中國築長城以備虜今朕用張文瓘

貝州武城人徙

勸守并突厥不敢南賢長城遠矣

家魏州之昌樂貞觀初并州參軍時李勣為長史嘗以管蕭比之勣入朝文瓘與僚屬二人皆戲勣

贈二人以佩刀王帶而不及文瓘文瓘疑之勣曰贈刀欲其果斷贈帶俾其守約束子才無施不可

馬用李義琰

魏州樂昌人為太原尉時李勣為并州都督僚吏憚其威義琰獨敢廷辨

曲直勣甚禮之韓思彥

鄆州南陽人高宗時使并州方賊殺人主名不立醉胡懷刀而汙訊

掠已服思彥疑之晨集童兒數百暮出之如是者三因問兒出亦有問者乎皆曰有之乃物色推訊

遂禽裴懷古

壽州壽春人武后時為并州大都督府長史吏民懷愛神龍中遷左羽林

大將軍未至官還為并州人知其還攜扶老稚出迎崔宣道始代為長史亦野次懷古不欲厚愧宣

道使人驅迎者還而來崔神慶貝州武城人武后時拜并州長史始

至有詔改錢幣法州縣布下俄而物價踊昂商賈

驚擾神慶實其非於朝果豪猾妄為之后喜下制

褒美初州隔分為東西二城神慶跨韋安石京兆

水聯堞合而一之省防禦兵歲數千

人武后時并州張說河南洛陽人明皇時授檢校

司馬有善政并州長史兼天兵軍大使時

朔方軍大使王晁誅河曲降虜阿布思也九姓同羅

拔野固皆疑懼說持節從輕騎二十直詣其部宿

帳下召見酋豪慰安李嵩宗室淮安王神通元孫

之由是九姓遂安明皇時以黃門侍郎檢

校太原以北諸軍節度使太原俗為浮屠法者死

不葬以尸棄郊飼鳥獸號其地曰黃阮有狗數百

習食啖頗為人患吏不禁嵩至遣捕戴謙開元二

殺之申厲禁條約不再犯遂革其風

欽定四庫全書

卷九十七

水令於縣東北鑿甘泉蕩沙靈長千畝等渠俱引文谷水傳溉田數千頃民用富饒嚴挺之

華州華陰人開元初太原少尹初殿中監王毛仲抵太原朔方籍兵馬後數年仍牒太原取兵仗挺

之恐毛仲有變密啓於帝及毛仲敗帝嘉其忠擢刑部侍郎張嘉貞蒲州猗氏人爲并州

長史政以嚴辦吏下畏之奏事京師明皇數慰勞突厥九姓新內屬雜處太原北嘉貞請置天兵軍

綏護其衆即以崔日用滑州靈昌人開元十年并爲天兵軍使崔日用州大都督府長史卒于官

人懷其惠吏民數王忠嗣華州鄭人天寶初爲河百皆編服送喪東節度使持重安邊不

生事訓練士馬隨缺繕補軍中士氣盛日夜思戰忠嗣縱說間伺虜隙時出奇兵襲敵所向無不克

每出召屬長付以兵使授士卒雖弓矢亦誌姓名其上軍還遺弦亡鏃皆按名第罪以是部下人自

勸器甲充物據要險
崔衍
深州安平人天寶末為
築城堡斥地甚速
清源令勸民力田懷附

流亡觀察使
王思禮
高麗人入居營州乾元中為
馬燧表其能
河東節度副大使持法嚴明

士不敢犯器甲精
辛雲京
蘭州金城人客籍京兆
良儲粟至百萬斛
實應元年授太原尹治

謹於法下有犯雖絲毫不肯貸賞功亦如之故軍
中畏而信回紇入朝所在暴鈔至太原惕息不敢

縱教平太
馬燧
汝州郟城人大歷中為河東節度
原大治
使時太原兵力衰單燧募得數千

人補騎士教之戰數月悉成精卒造器用皆完銳
居一年開廣場肄兵得三萬威震北方德宗初年

天下方騷北邊數有警燧念晉陽王業所基宜固
險以示敵乃引晉水架汾而屬之城濬為東隍省

守陣萬人又釀汾
令狐楚
宜州華原人貞元中鄭
環城樹以固隄馬
僖領太原在幕府掌書

記至判官僭暴卒不及占後事軍大譁將為亂夜
十數騎邀取楚使草遺奏諸將圍視楚色不變東

筆輒就以偏示之皆
感泣一軍乃安定
李景畧
幽州良鄉人貞元中
為太原少尹行軍司

馬先是景畧為豐州刺史回紇使梅錄將軍入朝
景畧嘗折服之至是復入朝過太原節度使李說

大會爭坐說不能過景畧叱之梅錄識其聲
驚拜曰非李豐州耶遂就坐將吏相顧嚴憚
李自

良
舉
充州泗水人貞元中為河東節度使居治九年
舉不愆法簡儉易循民不知有軍上下諧附

嚴綬
華州華陰人憲宗時為河東節度使選兵遣
大將李光顏助平夏州楊惠琳及蜀劉闢在

鎮九年尚寬惠治稱流聞士馬尊息嘗大閱旗
幟周七十里回鶻梅錄將軍在會聞金鼓震伏
李

載義
自稱恒山愍王之後文宗時為河東節度使
回鶻使者歲入朝所過暴慢吏不敢呵禁但

嚴兵自守虜狃習益整悍載義召大酋戒柳公綽

之因悉罷所防兵酋嚴憚之訖無犯者
京兆華原人太和四年為河東節度使遭歲惡擢
節用度輟宴飲衣食與士卒均北虜遣梅錄將軍
李暢以馬萬匹來市所過皆厚勞飭兵以防襲奪
至太原公綽獨使牙將軍騎勞問待以至意關牙
門令譯官引謁宴不加常暢德之出淚徐驅道中
不妄馳獵徑北有沙陀部勇武喜鬪為九姓六州
所畏公綽召其酋朱邪執宜治廢柵十一募兵三
千留屯塞上其妻母來太原者令夫人飲食問遺
之沙陀感恩劉沔徐州彭城人會昌初為河東節
度使兼招撫回鶻進屯雁門關
故悉力保障
回鶻寇雲州沔擊之斬七裨將敗其衆迎
太和公主還詔錄李靖平頡利事賜之
畢誠南
僊師人宣宗時為河東節度使河東尤近
胡復修杞頭七十峰謹候虜寇不敢入
盧簡求

河中蒲人為河東節度使太原統吐渾契苾沙陀
三部難馴制他帥或與詛盟質子弟然寇畧不為
止簡求歸所質開示至**韋宙**京兆萬年人盧鈞節
誠虜憚其恩信不敢亂**宙**度太原表宙為副時
回鶻破諸部入塞下剽殺吏民鈞欲得信重吏視
邊宙請往徧見酋豪諭之視亭障守卒增其廩
約吏不得擅以兵侵諸戎於**崔彥昭**清河人懿宗
是三部六蕃諸種皆信悅**昭**時為河東節
度使先是沙陀諸部多犯法**彥昭**鄭從謹鄭州滎陽
昭撫循有威惠三年境內大治**鄭從謹**鄭州滎陽
為河東節度兼行營招討使詔自擇叅佐皆一時
之選人比太原為小朝廷時承張彥球所部軍亂
剽寇日旁午從謹既視事姦無度情乃推捕反賊
誅其首惡釋彥球不問而付以兵得其死力下皆
惕**宋高瓊**亳州蒙城人端拱中授為并州馬步軍
伏都部署戍兵有以廩食陳腐譁言者瓊

出巡諸營士卒方食因取其飯自啖之謂衆曰今
邊鄙無警爾等坐食甘豐宜知幸也衆言遂息真
宗時復為并代都部署轉王嗣宗汾州人咸平中
運使上其政績詔褒之知并州兼并代
部署州境有卧龍王廟每窮冬闔境致祭值風雪
寒甚老弱踣於道嗣宗亟毀之鄭文寶上其政績
有詔褒美先是西邊市馬以給北邊戰士有瘠弱
者即送闕下暑月道遠多死嗣宗建議以汾州地
涼接樓煩諸監美水草請就收牧從之張禹珪河朔人咸平中知嵐
草請就收牧從之張禹珪河朔人咸平中知嵐
叛禹珪率衆討雷有終同州郃陽人景德初為并
之俘獲甚衆州副都部署遼兵入帝幸
澶淵有終赴援威聲甚振俄遼劉綜河中虞鄉人
人修好命還屯所就判并州景德四年知
并州以政績聞州康保裔洛陽人真宗時為并代
民乞留優詔嘉獎都部署徙知天雄軍并

代列狀請

留詔褒之

高繼勳瓊子真宗時為并代州鈐轄徙

繼勳誘令南發伏寒光嶺鄭戩蘇州吳縣人知并

大敗之獲牛馬橐駝甚衆鄭戩州遼與元昊交兵

秦互上戩不以聞曰敵韓琦安陽人慶歷中累拜

自相攻中國不足憂也韓琦樞密副使請外再遷

武康軍節度使知并州承受廖浩然怙中貴勢貪

恣既誣逐前帥李昭亮所為益不法琦奏還之帝

命鞭諸本省遼人冒占天池廟地琦召其豪帥示

以曩日所求修廟檄證為宋土遼人無以對既又

侵耕陽武砦地琦鑿塹立石以限之始潘美鎮河

東患寇抄令民悉內徙而空塞下不耕於是忻代

寧化火山之北多廢壞琦以為此皆良田不耕造

足以資敵遂請距北界十里為禁地其南則募弓

箭手居之並墾田馮京鄂州江夏人仁宗時知太

至九千六百頃

原府諸縣公事至即歷究

之苟與縣牘合而處斷麗於法者呼法吏決罪張

攷

開封人仁宗時為并代

楊偕

坊州中都人仁宗

預軍事素橫偕一繩以法軍政

陳堯佐

閬州閬中

肅然改本路經畧安撫招討使

李若谷

徐州

為築堤植柳數萬本作柳谿民賴其利

豐人仁宗時知并州民貧失婚姻者若谷出私錢

助其嫁娶贅壻無賴委妻去為立期不還許更嫁

并多降人喜盜竊籍累犯者以三人為保有司馬

犯坐之俊者削去籍名由是盜賊悉屏跡

旦解州夏縣人知祁縣天旱乏食羣盜剽寇富豪

以兵自備旦召至開以禍福於是爭出粟減直

濟盜患亦弭唐介江陵人英宗時知太原府夏人

悉撤之諭以利范純仁蘇州吳縣人哲宗時知太
害遂不敢動

不葬純仁遺僚屬收無主燼骨別男女異穴王素
葬者三千餘人又推之一路葬以數萬計

大名華人太尉旦季子熙寧初知太原府汾河大
溢素曰若壞平晉遂濯州城矣亟命築堤捍之人

皆賴韓絳開封雍邱人熙寧中知太原言在法諸
以安韓絳老疾自十一月一日州給米豆至次年

三月終河東北寒乞自十月一日起至次呂公弼
年二月終止如有餘即至三月終詔從之

壽州人神宗時知太原府韓絳宣撫秦晉將取囉
兀城令河東兵趣神堂新路公弼曰虜必設伏以

待我乃由永和既而新劉庠徐州彭城人神宗時
路援兵果遇伏詔褒之

募民間子弟剽銳工技擊者籍為勇敢仿漢謫戍
法賞流以下罪徙實河外連建牙雲中遣使議疆

事衆疑其造兵端欲為備庠奏言宜先諭以理然後飭兵觀釁上然之訖以黃崑山分水嶺立新疆

馬 王安禮

撫州臨川人安石之弟也從河東唐介辟熙寧中鄜延路城囉兀河東發民四

萬負餉宣撫使韓絳檄使佐役後帥呂公弼將從之安禮爭曰民兵不習武事今毆之深入此不為寇所乘則凍餓而死耳公弼用其言民得歸他路遇敵者全軍皆覆公弼執安禮手曰四萬之衆豈偶然哉紹聖二年知太原府苦孫永趙郡人神宗風痺卧帳中決事下不敢欺

代產鹽苦惡不堪食轉運使必欲以盜販闌越之罪罪兵吏永言鹽民食也不可禁兵武備也不可闕顧以惡鹽累防兵滕元發東陽人哲宗時知太原計也詔弛其禁

威行西北
號稱名帥

陶節夫

饒州鄱陽人知太原府羣盜李昉等起遼州北平之間河東河

北騷動至出臺即督捕之節夫郭永三河人藏宗時知太谷縣

太原帥率用重臣每宴饗費千金取諸縣以給飲太谷尤亟永曰用民膏血資豆觴之費可乎授劾

而去府不敢迫縣有潭出雲雨歲旱亟乘此譁民永杖巫暴日中而立至部使者及郡文移不便民

者必條永利病反復或遂寢不行民安其政以為自有令無永比者既去數年復過之老稚遮留如始

去唐恪杭州錢塘人知榆次縣豪子雄於鄉萃逋庇姦不輸公賦前後莫敢詰恪以理善曉

之悟而自悔劉士英靖康初通判太原府金兵入折節為長者境帥臣張孝純欲避之士英

率將官王稟力止孝純及城陷稟焚火死士英持短兵接戰死之金耶律懷義遼

室于天眷初為太楊邦基革陰人熙宗時太原交原尹治有能聲城令太原尹徒單恭託

名鑄金佛命屬縣輸金邦基獨不與徒單恭怒召至府將以手持鐵拄杖撞邦基面邦基不動時詔

廉察官吏尹與九縣令皆免
盧孝儉 宣德州人為去邦基以廉為河東第一

定二年陝西用兵尚書省發本路稅粟赴平涼充軍實期甚嚴迫孝儉輒易以金帛馳至平涼用省

而不失期并人稱
張大節 代州五臺人知太原府之用廉進官二階

哀召審之果姦夫所殺人以為神晉叔虞祠
烏庫 舊以施錢輸公使庫大節還其廟以給營繕

里德升 益都路明安人興定二年太原府佐監軍行元帥府事元兵圍太原破濠垣德升植

柵為拒出其家銀幣及馬賞戰士及壞城西北隅德升聯車塞之三却三登城破德升謂其姑及妻

曰吾守此數年不幸力窮乃自縊而死其姑及妻皆自殺
烏庫里德升舊作烏古論德升明安舊

作猛安烏庫里仲溫蓋州按春明安人貞祐初為

今並改遂至太原移書安撫使賈益謙約以鄉兵救中都

馳驛如平陽將與並謙會於絳不能進仲溫嘗治

平陽吏民留之仲溫曰平陽巨鎮易守私計得矣

如嵐州何遂還鎮元兵大至城破不屈死之烏

庫里仲溫舊作烏古論仲喬天翼哀宗時合河令

溫明安舊作猛安今並改元兵攻城急天

翼竭力拒守城元攸哈喇巴圖渤海人太祖時授

陷不屈遂遇害元帥鎮太原時太原新破修城池繕兵甲招降屬

元帥鎮太原時太原新破修城池繕兵甲招降屬

邑市肆不改遠近相率來歸金兵來犯屢戰却之

後人獻太原東門於金將兵入攸哈喇巴圖譚

戰死攸哈喇巴圖舊作攸哈喇拔都今改

澄德興懷來人父資榮金末為交城令澄年十九

襲職文谷水舊分溉交城田文陽郭帥堰之訟

累歲莫能直澄折以理令決水均利於民豪民持
吏短長為姦者察得主名皆法治之時籍民戶有
司多以浮客占籍及徵賦逃竄官為稱貸積息數
倍民無以償澄入覲因中書耶律楚材面陳其害
太宗為免其逋亡民能歸者復三年公私便之
後復大籍澄盡削交城之不土著者賦以時集
李德輝通州潞縣人至元元年太原路總管崇學校
表孝節勸耕桑立社倉一權度凡可以阜民
者無不為之嘉禾
齊元彝樂城人至正中知興州
瑞麥六出其境
顏瑜顏子五十七代孫以行誼舉
業民為立碑
為陽曲縣教諭善啓迪士子
楊克恭
景州人至正中知興州
草弊平訟吏民思之
明尹暹安豐人洪武初知
役均平民
黃福昌邑人洪武中清源縣主
懷其惠
簿首建學校仁康愛民
燕雲咸寧

人正統中知陽曲陽曲民愛之九
年考滿爭伏闕乞留詔增秩還任
典史有廉能聲嘗承檄成偏頭關與
士卒同辛苦秩滿去惟攜琴書而已
知岢嵐州蒞任三載盜賊屏蹤公廨後生嘉禾
多一本五穗者遇旱自繫禱於神廟雨即大澍張
壽華陰人成化間知太谷縣剛正有劉經順天人
為著故布袍時遣僮採藜芻佐食劉經弘治中
知太原縣政尚寬厚每笞人笞楊光澤沂州人弘
地而已人感其德亦無有犯者楊光澤治中治興
縣撫字有方調洪洞蘇民陝西人正德初知榆次
老稚俱垂涕送之縣為政務持大體民有
犯者先曉以禮義而後治之尤加黃卿益都人嘉
意學校召諸生勤講課士習一變黃卿靖初知太
原府寬仁廉正治獄多所平反黃土寨大水漂民
居以千計卿掩骸眼恤不遺餘力民舍火將延學

官再拜禱之風反火熄
王儀文安人嘉靖中山西右叅政分守冀寧諱

達抵清源城儀洞開城門寇疑之引去按行所部
築城郭積穰糧榆次平定間遂皆有城諱達傷

作俺答畢文太原營遊擊以事繫獄嘉靖中標兵
今改作亂破其械奉以為帥不從死之

高鵬嘉靖中太原叅將標兵於惟一懷寧人嘉靖

歲饑請賑不待報可徑發倉廩全活甚
多耀陝西副使去之日民遮道泣送吳三省洛陽

人萬歷初知徐溝縣廉正有為城舊以土築圯
於涂水三省用磚石甃之三年而成永為保障于

天經冠縣人萬歷中知陽曲縣清勤愛民每巡行

詞折之歲饑停徵調屢被譴不為動
尋以憂歸去送之者擁車不得行周壁濟南歷城人萬

歷間知交城縣關地穿渠繕城
堡賑恤寒俊士民咸愛敬之
毛文炳鄭州人崇

兵備副使駐太原李自成來寇乘城固守城陷被
執誘以官不從抗罵數日被殺妻妾投井死子數

歲被掠去士民以畢拱辰振縣人山西冀寧兵備
忠臣子贖而歸之

執賊適得新刀拱辰視之問何孫康周安邱人
晚曰欲得此斫頭耳賊遂取斬之

知太原府閻賊陷城率李一清太原府同知己遷
兵巷戰被執不屈死之

撫留一清守城范志泰虞城人晉府長史署陽曲
城陷不屈死

食趙希壯文水典史流寇入境督鄉
死兵往偵猝遇賊力戰死

本朝楊三知直隸良鄉人順治三年以進士知榆次
縣大同降將姜環之亂三知率百姓城

守宿障下者六月卒全其城又捐
俸立社學訓士并為置厨饌田
王昌齡
遼東人
順治四

年太原知府遷寧夏道值姜瓖叛
轉餉軍中遇賊被害贈光祿寺卿
曹之賢
遼東人
順

治四年知文水縣精敏善
判決姜瓖黨陷城遇害
李昌汴
直隸豐潤人
順

剛方有守姜瓖陷城索印力
拒不屈被殺贈按察司僉事
張國賢
宛平人
順治

任太原府中路同知殉姜
瓖之難贈按察司副使
徐淳
遼東人
尙嵐道兵

偏關遙應之淳為賊所執脅
降不屈死贈光祿寺少卿
馬維熙
忻州州同署
太原府西路

通判姜瓖亂偏關兵應之
被執不屈死贈忻州知州
楊其籍
按察司照磨署
太谷縣事有政

聲姜瓖亂偕教諭蒲州賈道醇
域陷被執俱不屈繫獄死其籍
贈布政司知事
道守

欽定四庫全書

金定大清一統志
卷九十七

三

醇贈國子監助教自周邦翰布政司都事署文城
亮贈濟源縣主簿

運昌城守以拒姜瓖適賊有內應俱被謝應舉捕
殺邦翰贈都司經歷運昌贈山陽主簿

都司死姜瓖之亂贈遊擊又同時死難者守備李
進忠董延儒贈都司千總宋貴中王命新卹其家

自昌齡以下十六邊大綬直隸任邱人順治八年
人俱祀忠烈祠

環初平惡心撫劉果山東諸城人康熙三年以進
綬多著治績

學引汾水溉太原榆次諸縣田分水先後胥有次
第民以不爭交城盜傳青山等據葫蘆峪授計交

令趙吉士平之富人松產餽黃金五百兩假黃鼠
以進峻却之後弟榮以進士知平陽府亦有治績

趙吉士休寧人康熙七年知交城縣縣居萬山中
饒良馬多灌木時禁民畜馬又廢南堡村

木廠民重困多踞險為盜吉士察知羣盜出沒及
所踞險要地十年十月奉檄進剿吉士葺靖安堡
期以月望進屯先七日置酒張樂為讌會密誠司
夜者於子刻鼓報五更起送客出郭勅守備姚順
等統步騎兵四百疾行四十里分三隊並進直搗
其巢窟賊驚駭奔潰獲渠魁二十二餘人或降或
自投召山民不作賊者三十七家賚以羊酒其素
不當役者千四百三十戶編籍入都圖凡旬有六
日山寇
患平
趙良璧 奉天開原人康熙八年知徐溝縣
獻胥絕莅政五年寬嚴並
濟以清源盜案星誤去
孫閔達 江南通州人康
士知太原縣食不重味慈恕不輕敵扑犯者
雖至死感頌不輟後以病歸行李如始至時
慶 江南宜興人康熙十四年以進士知清源縣山
水數為城害歲修白石堰禦之吏緣為姦利方

慶設法以辦不徵民一錢復以費不給停役步禱
龍神廟明年春山水改道西南去城十里喜曰吾
可保清邑數十年無患矣方慶不延甘國基正藍
幕客遇事悉手自裁決上官重之
軍康熙二十七年知太原府明敏
善折獄姦豪歛迹而仁聲甚著
唐廉熙三十六
年知陽曲縣儉樸不事上官中吏議罷歸再起知
縣事卒不少屈禮接士大夫不可以私引民以公
事至語疊疊不厭軌法者按治不少貸
解歸行李蕭然人皆謂不愧其名云

欽定大清一統志卷九十七